

An Exposition of the  
**Seven Church Ages**

Chapter Seven  
**Kereke Ya Paka Ya Saredisa**

Tshenolo 3:1-6

*"Kwalela moengele wa phuthego ya kwa Saredisa o re: Dilo tse di buiwa ke Yo o nang le Mewa e supa ya Modimo, le dinaledi tse supa; O bua jaana a re; Ke itse ditiro tsa gago, gore o na le leina la gore o a tshela, mme o sule.*

*Nnang le lepile, mme o tiise dilo tse di setseng, tse di gaufi le go swa; gone ditiro tsa gago ke fitlhetse di sa itekanela fa pele ga Modimo.*

*Mme gakologelwa se o se amogetseng le se o se utlwileng, o se tshegetse thata, mme o ikwatlhae. Fa o sa itise, ke tla tla jaaka legodu, mme ga o ketla o itse nako e ke tla go welang ka yona.*

*Le fa go ntse jalo, o na le maina a se kae kwa Saredisa a ba ba sa leswafatsang diaparo tsa bone. Ba tla tsamaya le nna ka diaparo tse ditshweu; gone ba tshwanetse.*

*Yo o fenyang o tla apesiwa jalo diaparo tse ditshweu, mme ga nkitla ke phimola leina la gagwe mo Lekwalong ya Botshelo, mme ke tla bolela leina la gagwe fa pele ga Rre le fa pele ga baengele ba Gagwe.*

*Yo o nang le ditsebe a a utlwe se Mowa o se bolelelang diphuthego."*

**Saredisa**

Saredisa e ne e le motsemogolo wa Lidia wa bogologolo. E ne ya tswa mo diatleng tsa magosi a kwa Lidia a a kwa Baperesia mme go tswa foo a ya kwa go Alexander yo Mogolo. E ne ya kobiwa ke Antiochus yo Mogolo. Morago ga moo dikgosi tsa Peregamo di ne tsa busa go fitlha Baroma ba tsaya puso. Ka nako ya ga Tiberio e ne ya senngwa ke dithoromo tsa lefatshe le dipetso. Gompiano ke mokoa wa marope e bile ga go na ope yo o nnang mo go yone.

Toropo e e kile ya bo e le botlhokwa thata mo kgwebong. Pliny o ne a bolela gore go po penta wulu go simologile fa. E ne e le lefelo le go neng go tsenngwa mmala wa wulu le go logwa ga dikhapete mo go lone. Go ne go na le selefera le gouta e ntsi mo lefelong leo mme go bolelwa gore go ne ga dirwa madi a tshipi a gouta koo la ntlha. Gape e ne e na le mmara wa makgoba.

Bodumedi ja motse o e ne e le kobamelo e e seng phepa ya modimo wa sesadi Cybele. Marope a magolo a tempele a sa ntse a ka bonwa.

O tla gakologelwa gore ka Paka ya Pergame ke ne ka umaka gore kgopolo ya Bababelona ya gore "mme le morwa" e e neng e itsiwe e le Semiramis le Ninus e ne ya nna Cybele le Deoius wa Asia. Dikarolo tse tse pedi di a re sedimosetsa fa re di leba di bapile.

E ne e le modimo wa letsatsi; ene e le modimo wa sesadi wa ngwedi.

E ne e le morena wa legodimo; ene e le kgosigadi ya legodimo.

Ene (morwa) e le mosenodi wa bomolemo le boammaaruri; ene (mme) o bontsha bonolo le kutlwelobotlhoko.

Ene ke moletlanyi wa monna; ene ke moletlanyi wa mosadi.

Ene ka selotlolo se se bulang le go tswala dikgoro tsa lefatshe le le sa bonaleng; mme le ene ka selotlolo se se tshwanang le seo.

Ene (morwa) jaaka moatlhodi wa baswi; ene (mme) jaaka yo o emeng fa thoko ga gagwe.

Ene (morwa) o ne a bolawa, a tsosiwa mme a tthatlogela kwa legodimong; ene (mme) o ne a mo rwala ka mmele wa gagwe.

Jaanong kwa Roma modimo o o bidiwa Morena wa rona: o bidiwa Morwa Modimo mme ene o bidiwa mmaagwe Modimo.

Jaanong se ke se re se boneng koo mo dipakeng tse dingwe tse pedi, fa kgopolo ya 'mmaagwe le morwawe' e ne e anama thata jaana. Mme jaanong ela tlhoko gore fela jaaka go ne go ntse kwa Babelona fa kobamelo ya morwa e ne e simolola go tselwa maemo ke kobamelo ya mmaagwe, ka jalo, o

ne a simolola go tsaya boemo jwa morwa. Re bona mo pakeng e gore kobamelo ya boheitane ya Saredisa e ne e le kobamelo ya mosadi. Ke Cybele a le nose, e seng Cybele le Deoius. Mme o tsere boemo ja Morwa ka tsela ya mmatota, a na le dinonofo tsa Bomodimo. Motho o tlhoka fela go sekaseka direto tsa gagwe tse di farologaneng le go gakologelwa dinonofo tse di molemo tse Kereke ya Roma e neng ya di naya Marea gore a tlhologanye gore bodumedi ja motlha ono bo tswa kae.

Go na le dilo tse pedi tse di neng tsa nkgatlha thata fa ke ntse ke leba kobamelo eno ya ga Cybele. Nngwe ya tsone e ne e le gore o ne a rwele selotlele se se tshwanang le sa ga Janus se se neng se mo naya taolo e e tshwanang le ya ga Janus, (selotlele sa legodimo le lefatshe le masaitseweng) le gore baobamedi ba ne ba itaya mebele ya bone go fitlhelela ba tshologa madi, e leng selo se se dirwang gompiano ke Bakatoliki ba ba ikutlwang ba boga jaaka Morena.

Lebaka la gore paka e ya go kgaogana ga ntlha ga mmatota le Roma ya bomopapa e e neng ya atlega tota, ga go na pelaelo gore le ne la dira gore moperofeti wa mosadi Jesebele a kopanye le go gatelela thuto ya gagwe ya go obamela Marea ka go ganetsana le Baporotesetanta ba ba neng ba mo gana go nna le seabe sepe fela mo thulaganyong ya Poloko kwantle ga gore a amogelwe ke Modimo jaaka kgarebane e e tlhophilweng go tshola Ngwana. Fa Luther a ntse a tlhalosa thuto ya go siamisiwa ka tumelo ba ne ba dirisa ditiro, go ikwatlhaya, dithapelo le ditsela tse dingwe tse di seng mo Dikwalong. Mme jaaka Bakeresete ba ba golotsweng ba ne ba galaetsa Morwa, Baroma Katoliki ba ne ba oketsa go galaetsa ga bone Marea go fitlha lekgolo la dingwaga tse masome mabedi le bona (go farologana le baithutabodumedi ba bantsi ba maemo a a kwa godimo ba Roma) Mopapa Pius a tlotlomatsa Marea gore a galalediwe ka mmele o o tsositsweng. Thuto eo ruri ke ya Bababelona ya gore morwa o rwala mmaagwe ka mmele go ya legodimong.

Ga go gakgamatse go bo paka e ya botlhano e tsamaya le dipaka tse dingwe mme o tla dira jalo go fitlhelela e felela mo bodibeng jwa molelo koo seaka le bana ba sone ba bolawang gone mo losong la bobedi. Go ntse jalo, Maryolatry, kobamelo ya ga Cybele. Ka tsela e e tshwanang, a o ne o itse gore Cybele e ne e le Astarte yo Jesebele e neng e le moperesiti wa gagwe mme a dira gore Baiseraele ba kgotšwe ke meetlo ya gagwe ya boitsholo jo bo sa siamang? Ee, ke ene yo Baebele e buang ka ene.

### **Paka**

Paka ya kereke ya Saredisekana ya botlhano e ne ya tsaya lebaka go tloga ka ngwaga wa 1520 go fitlha ka ngwaga wa 1750. Gantsi e bidiwa Paka ya Diphetogo.

### **Morongwa**

Morongwa wa paka e ke morongwa yo o itsegeng thata wa dipakeng tsotlhe. Ene e ne e le Martin Luther. Martin Luther e ne e le mokanoki yo o botlhale yo o neng a le bonolo. O ne a ithuta go nna mmueledi fa bolwetse jo bo sa foleng le leso la tsala ya gagwe e kgolo di ne tsa dira gore a tshwenyege thata ka seemo sa semowa sa botshelo ja gagwe. O ne a tsena kwa lefelong la baitlami la Augustinian kwa Erfurt ka 1505. Fa a le koo o ne a ithuta filosofi le Lefoko la Modimo.

O ne a tshela botshelo ja go ikwatlhaya ka tsela e e gagametseng mme ditiro tsotlhe tsa kafa ntle di ne di sa kgone go tlosa maikutlo a gagwe a bolelo. O ne a re, "Ke ne ka ipogisa go ya lesong gore ke nne le kagiso le Modimo, mme ke ne ke le mo lefifing mme ka seka ka fitlhela kagiso." Mokhuduthamaga wa setlhopho sa gagwe, e bong Staupitz, o ne a mo thusa go lemoga gore poloko ya gagwe e ne e tla nna selo se se dirwang mo teng ga gagwe go na le gore e nne moetlo. Ka ntlha ya kgothatso eno, o ne a tswelela pele a batla Modimo. Moragonyana o ne a nna moruti. O ne a ise a bolokwe.

O ne a nna moithuti yo o tlhoafetseng le yo o boteng wa Lefoko le wa dibuka tse dikgolo tsa thutabodumedi tse di leng teng. O ne a batliwa jaaka morutisi le moreri ka ntlha ya kitso ya gagwe e e boteng le bopeloephepa ja gagwe jo bogolo. O ne a ya kwa Roma go ya go diragatsa maikano a a neng a a itiretse. Fa a le koo o ne a bona go tlhoka mosola ga ditiro tse kereke e neng e di thoma tse di neng di tla tliša poloko, mme Lefoko la Modimo le ne la ama pelo ya gagwe thata, "Mosiami o tla tshela ka tumelo".

Fa a boela gae boammaaruri ja Efangele ja lekwalo le bo ne ja tsena mo mogopolong wa gagwe mme a gololwa mo boleong mme a tsholelwa mo bogosing ja Modimo. Go ise go ye kae morago ga seno o ne a tthatlosiwa go nna Ngaka ya Thutatumelo mme a laelwa gore a ineele botshelo jotlhe jwa gagwe go ithuta le go tlhalosa le go femela Dikwalo tse di Boitshepo ka boikanyegi." O ne a dira jalo, mme seo se ne sa felela ka gore pelo ya gagwe le dipelo tsa batho ba ba neng ba mo dikologile di nne di tlhomame mo boammaaruring ja Lefoko. Go ise go ye kae Lefoko le ne la simolola go ganetsana le ditumelo le dithuto tsa kereke tse di neng di sa dirisiwe sentle.

Ka gone, fa Leo X a ne a nna mopapa, mme John Tetzel a simolola go rekisa dikotlhao tsa bolelo, Luther o ne a se na se a ka se dirang fa e se go nna kgatlhanong le thuto e e seng ya Dikwalo. La ntlha, o ne a e goelela kgatlhanong le yone fa a le mo borerelong mme morago ga moo a kwala ditshekatsheko

tša gagwe tše di itsegeng thata tše 95 ka Phalane a le 31, ngwaga wa 1517 o ne a a di kokotela mo kgorong ya Kereke ya Castle.

Go ise go ye kae Jeremane e ne e tuka mme diphetogo di ne tša simolola. Jaanong a re gakologelweng gore ga se Martin Luther fela yo o neng a ganetsa Kereke ya Roma ya Katoliki. E ne e le mongwe wa ba bantsi. Ba bangwe ba ne ba ganne gore bomopapa ba nne le taolo ya bone ya nakwana le ya semowa, mme le mo gare ga bomopapa go ne ga nna le diphetogo tše dinnye tša nakwana. Ee, go ne go na le ba bangwe ba le bantsi ba ba neng ba tsosa dikgang, mme mo kgannyeng ya ga Luther, nako ya Modimo e ne e setse e gorogile ya gore a tseye kgato e e tlhomameng e e neng e tla nna tshimologo ya go tsosolosiwa ga kereke gore e tshololelwe Mowa o o Boitshepo moragonyana.

Jaanong Martin Luther ka boEne, e ne e le Mokeresete yo o neng a tletse Mowa o o Boitshepo. E le ruri e ne e le motho wa Lefoko ka gonne o ne a sa kgatlhegele go le ithuta fela mme gape o ne a rata go dira gore batho botlhe ba le bone gore ba tle ba tshela ka lone. O ne a ranola Tesetamente e Ntšha mme a e neela batho. O ne a dira tiro e e bokete ka boene, a baakanya karolo nngwe ya yone ka makgetho a le masome a mabedi. O ne a phutha setlhopho sa bakanoki ba Sehebera ba bangwe ba bone e neng e le Bajuda mme a ranola Tesetamente e Kgologolo.

Buka e e tlhomologileng ya ga Luther e sa ntse e le yone e e ileng ya thaya dibuka tsotlhe tše di neng tša latelana tša Lefoko kwa Jeremane.

E ne e le moreri yo o nonofileng le morutisi wa Lefoko, mme o ne a gatelela segolobogolo mo dingwageng tša gagwe tša ntlha tša go nna mo maemong a a kwa godimo mo setšhabeng, gore Lefoko e ne e le lone fela le le ka dirang gore motho a dire se se siameng. Ka jalo o ne a le kgatlhanong le ditiro jaaka tsela ya poloko le kolobetso jaaka tsela ya go tsalwa sesha. O ne a ruta gore Keresete ke ene moletlanyi yo o farologaneng le motho jaaka go ne go ntse ka kgopolo ya tshimologo le ya Pentekosete. E ne e le monna yo o neng a rata go rapela thata mme o ne a ithutile gore fa a ntse a dira tiro e ntsi e bile a na le nako e ntsi, o ne a dirisa nako e ntsi a rapela Modimo gore a tle a bone maduo a a kgotsofatsang. O ne a itse gore go lwa le diabolo go ntse jang mme go bolelwa gore Satane o ne a bonala mo go ene ka letsatsi lengwe, mme a mo tshela ka, a mo laela gore a tsamaye. Ka nako e nngwe batho ba babedi ba ba neng ba rata bodumedi thata ba ne ba tla kwa go ene go tla go mo tlhotlheletsa gore a kopanele le bone mo go lelekeng baruti botlhe le Dibaebele. O ne a thathoba a lemoga mowa o o mo go bone mme a ba laela gore ba tsamaye.

E kwadilwe ke Dr. Martin Luther mo lekwalong le le bidiwang Sauer's History Vol. 3, tsebe 406 gore e ne e le, "moperofeti, moefangele, sebui sa diteme, moranodi, mo mothong a le mongwe, yo o neilweng dimpho tsotlhe tše robongwe tša Mowa."

Se se neng sa tlhotlheletsa pelo ya gagwe ka Mowa o o Boitshepo, mme e ne e le letlhogela le lennye le le tala le le neng le supa gore boammaaruri bo ne bo boela mo kerekeng jaaka e ne e itsege ka Pentekosete, e ne e le thuto ya go siama: poloko ka tshegofatso, kwantle ga ditiro. Ke lemoga gore Dr. Luther o ne a sa dumele fela, ebile a sa rere tshiamo, fela, mme se e ne e le setlhogo sa gagwe se segolo jaaka tota se ne se tshwanetse go nna ka gonne se ke thuto ya motheo ya boammaaruri ja Lefoko. O tla nna a itsege ka bosakhutleng e le sedirisiwa se se mo seatleng sa Modimo se se tsosolositseng boammaaruri jo. E ne e le morongwa wa botlhano mme molaetsa wa gagwe e ne e le gore, "BASIAMBA TLA TSHELA KA TUMELO." E le ruri re a dumela gore o ne a itse le go ruta gore re tshwanetse go tswela pele gotswa mo tumelong go ya ko tumelong. Kutlwisiso ya gagwe e e gakgamatsang ya bolaodi, tlhopho, taolelopele le boammaaruri jo bongwe e supa gore ke monna yo mogolo mo Lefokong, mme ke a boeletsa, jaaka bakwadi ba ditso, Modimo o ne a mo dirisa go tlišetsa batho tekanyetso ya Modimo kgatlhanong le ditiro—"Basiami ba tla tshela ka tumelo."

Jaanong jaaka ke setse ke umakile, ditso e bitsa paka e e re ke wa Diphetogo. Seo se boammaaruri tota. Ke gone ja fa go neng go ntse ka teng. Go tshwanetse ga bo go ne go ntse jalo ka gonne Martin Luther e ne e le modira phetogo, e seng moperofeti. Jaanong ke a itse gore buka ya ditso e mmitsa moperofeti, mme seo ga se reye gore buka ya ditso e nepile, ka gonne ga go na pego epe e e bontshang gore Martin Luther o ne a tshwanelega go nna moperofeti wa boammaaruri wa Modimo go ya ka Lefoko. E ne e le morutisi yo o molemo yo o neng a na le dingwe tša dilo tše Mowa o di bontshang mo botshelong jwa gagwe mme re baka Modimo ka ntlha ya seo. Ka jalo o ne a sa kgone go busetsa kereke mo boammaaruring jotlhe jaaka monna yo o jaaka moaposetoloi Paulo yo e neng e le moaposetoloi le moperofeti.

Jaanong fa nako e ntse e tsamaya re fitlhela gore go ne ga nna le phetogo e kgolo ka tsela e a neng a dira dilo ka yone. Kwa tshimologong o ne a le bonolo thata, a se na poifo, a le pelotelele e bile ka metlha a letetse Modimo gore a rarabolole mathata. Mme go tswa foo palo e kgolo ya batho e ne ya simolola go tla go mo ema nokeng. Maikaelelo a bone e ne e se a semowa. Go na le moo, ba ne ba tlhotlhelediwa ke dipolotiki. Ba ne ba batla go fedisa kgatelelo ya mopapa. Ba ne ba sa rate go romela madi kwa Roma. Go ne ga tsoga ditlhakanatlhogo. Go ise go ye kae o ne a gogelwa mo dikgannyeng tša

bopolotiki le mo ditshwetsong tse tota di neng di sa amane le kereke, kwantle ga gore kereke e ka tlhoma molao o o tshwanetseng go latelwa ka thapelo, go rera le boitshwaro. Mathata a dipolotiki a ne a oketsega go fitlha a patelediwa go nna moletlanyi magareng ga barena le badiidi. Ditshwetso tsa gagwe di ne di le phoso thata mo e leng gore go ne ga nna le botsuolodi mme ga bolawa batho ba le diketekete. O ne a ikaeletse go dira molemo, mme e ne ya re fa a sena go itetla gore a tsene gape mo dikgannyeng tsa Kereke le Puso o ne a tshwanelwa ke go boelwa ke matsubutsubu a mathata.

Mme Modimo o ne a dirisa Martin Luther gore a dire jalo. A go se ka ga twe maikaelelo a gagwe a ne a le phoso. A go boelwe fela gore katlholo ya gagwe e ne ya palelwa. E le ruri fa Balutere ba ne ba ka boela kwa dithutong tsa gagwe mme ba direla Modimo jaaka mokaulengwe yo yo o pelonomi a ne a mo direla, batho bao ba ne ba tla nna ba galaletsa Modimo yo mogolo le Mmoloki, Jesu Keresete.

### Tumediso

Tshenolo 3:1,

*"Dilo tse o di buiwa ke Ene Yo o nang le Mewa e supa ya Modimo, le dinaledi di supa."*

Fela jaaka mo dingwageng tse nne tse di fetileng, Mowa o re senolela Morena wa rona ka go re bontsha dinonofa tsa gagwe tse di kgathisang. Mo nakong e o eme mo gare ga kereke, re mmona e le Ene yo o nang le Mewa e supa ya Modimo le dinaledi tse supa. Re a itse gore dinaledi tse supa ke bomang, mme re tla tshwanelwa ke go bona gore mewa e supa e kaya eng.

Mafoko a a tlhaga makgetlo a le man mo lekwalong la TShenolo.

Tshenolo 1:4,

*"Go tswa mo Meweng e supa E e fa pele ga setulo sa gagwe sa bogosi."*

Tshenolo 3:1,

*"Dilo tse di buiwa ke Ene yo o nang le Mewa e supa."*

Tshenolo 4:5,

*"Go ne go tswa dikgadima le mantswe le ditumo tsa maru mo setulong sa bogosi; Mme go ne go tuka dipone di supa tsa molelo fa pele ga sedulo sa bogosi, tse e leng Mewa e supa ya Modimo."*

Tshenolo 5:6,

*"Mme ka bona, foo, mo gare ga setulo sa bogosi, le fa gare ga ditshedi tse nne, le mo gare ga bagolwane, ka bona Kwana a eme, a ntse jaaka e kete o tlabelwe, a le dinaka di supa, le matlho a supa, a e leng Mewa e supa ya Modimo, e e romilweng mo lefatsheng lotlhe."*

Sa ntlha, re itse ka tlhomamo gore ditemana tse ga di rute thuto e ntšha le e e sa dumalaneng le e e mo go Johane 4:24a "Modimo ke Mowa (mongwefela)." Mme se se tswana le 1 Bakorintha 12:8-11 koo re bonang Mowa o MONGWE A iponatsa ka ditsela di le BOROBABONGWE. Ka jalo re itse gore Mewa e supa ya Modimo e kaya gore ke Mowa o le mongwe fela o o tswang ka ditsela tse supa. Jaanong mo go Tshenolo 4:5 Mewa e supa e e bidiwa 'dipone tsa molelo tse di tukang' fa pele ga Morena. E re ka Johane a ne a sa dirise sepe fa e se matshwao a Tesetamente e Kgologolo mo go Tshenolo re ya kwa Tesetamenteng e Kgologolo mme re fitlhela mo go Diane 20:27 gore "moya wa motho ke lebone la Morena." Go fitlhela gore mewa e e supa e amana le motho. Johane wa Mokolobetsi mo go Johane 5:35 o ne a bidiwa 'lebone le le tukang' le tota le tshwanetseng go ranolwa jaaka 'lebone le le tukang.' Gape mo go Tshenolo 5:6 Mewa e supa e tlhalosiwa e le matlho a supa.

Mo go Sekarea 4:10,

*"Gonne e mang yo o nyaditseng motlha wa dilo tse dipotlana? Gonne ba tlaa itumela, ba tlaa bona selekanyo se se thokgamisang mo seatleng sa ga Serubabele, e bong tse di supa tse, tse e leng matlho a ga Jehofa; a ya kwa le kwa mo lefatsheng lotlhe."*

Go bonala sentle gore lefoko 'bone' le kaya batho. Ka jalo re bona gore matlho a Morena mo kgannyeng e ke batho—eleruri e tla nna batlodiwa, ba ba tletseng Mowa o o Boitshupo, ka gonne ditirelo tsa Modimo ga di mo maatleng a batho mme ke tsa Mowa o o Boitshupo. Fa re kopanya dilo tse re di fitlheletseng mo Dikwalong go bonala sentle gore Mewa e supa ya Modimo e kaya bodiredi jo bo sa kgaotseng ja one Moya o o Boitshupo oo mo matshelong a banna ba le supa ba Modimo a itlhalasang thata le bone. Ke matlho a Gagwe, gape ke dipone tsa Gagwe. Go motlhofo go bona gore batho ba ba supa ke bomang ka gonne polelwana e e latelang e ba bitsa dinaledi tse supa tse re setseng re di itse e le barongwa ba le supa ba metlha e supa. A bo seo se le molemo jang ne! Bona, naledi e e ne e

tshwanetse go bonesa lesedi bosigo, ka gonne letsatsi le ne le seo. Gore morongwa (yo o tshwantshiwang jaaka naleledi) mo pakeng nngwe le nngwe o ne a tshwanetse go tshwantsha a bonatsa lesedi la Morwa. Botlhe ba ne ba dira se ka Mowa o o Boitshepo.

Paulo e ne e le morongwa wa ntlha mme o ne a re mo go Bagalatia 1:8 gore fa moengele ope fela, morongwa ope fela, moemedi ope fela, go sa kgathalesege gore e ne e le mang—fa a ne a rera efangele e sele go na le e Paulo a neng a e rera, a a hutsege. Paulo o ne a itse gore fa a sena go tsamaya, go ne go tla tla diphiri tse di setlhogo. O ne a itse gore Satane, ka boene, o ne a ka iponatsa jaaka moengele wa lesedi, jalo badiredi ba gagwe bone ba tlhoka go iphetola jang ne! Ka jalo o tlhagisa gore Efangele e e tla nna e ntse e tshwana. Jaanong Paulo o ne a kolobeditse mo Leineng la ga Jesu mme a kolobetsa gape koo batho ba neng ba ise ba kolobediwe teng. O ne a rulaganya kereke mme a ruta go dirisa dimpho tsa Mowa ka tsela e e tshwanetseng mme a tlhomamisa gore ba tshwanetse go nna mo kerekeng go fitlha Jesu a tla. Ka jalo barongwa ba ba latelang, botlhe ba ba setseng ba le baratara, ka one Mowa o o Boitshepo oo, ba ne ba tla tuka ka molelo o o tshwanang mme ba neye lesedi le le tshwanang la Efangele ya ga Jesu Keresete mme ditshupo di ne di tla ba sala morago. A Irenaeus o ne a tshwanelega? Ee. A Martin o ne a tshwanelega? Ee. A Martin o ne a tshwanelega? Ee. A Luther o ne a tshwanelega? E le ruri. A Wesley o ne a tshwanelega? Ee rra, o ne a na le bodiredi bo bogolo mme e bile o ne a rapelela gore pitse ya gagwe e fole mme e ne ya fola. Ke seone seo. Dipaka tse supa tsa kereke le barongwa ba le supa ba ba neng ba tshwana, mme Paulo o ne a bolela phutso mo go mongwe le mongwe yo o neng a re ke morongwa mme a na le efangele e e farologaneng mme a tshela mo leseding le le farologaneng.

Jaanong a mafoko a me a bofelo a dumalana le Lefoko lotlhe? Ee. Lefoko la Modimo le bolela gore fa mongwe a ka oketsa mo lekwalong le kana a tlosa sengwe mo go lone, o tla bogisiwa le go atholwa ke Modimo.

Modimo o ne a re,

*"Ke tla mo okeletsa dipetso tse di kwadilweng mo lekwalong le kana ke tla tlosa karolo ya gagwe mo lekwalong la botshelo."*

Tshenolo 22:18.

Ka jalo re bona gore Mowa e Supa tota e raya Mowa o le Mongwefela wa Modimo o o dirang thato le Lefoko la Modimo mo dikokomaneng tse di farologaneng. Ke rata go fa sekai sa seo go tswa mo Lefokong. Mowa wa Modimo o ne o le mo go Elija ka maatla. Morago ga moo, one mowa oo o ne wa tla mo go Elisha ka ditsela tse pedi. Morago ga makgolokgolo a dingwaga, one mowa oo, oo re o bitsang Mowa wa ga Elija go tlhalosa bodiredi ja one, o ne wa boela kwa go Johane wa Mokolobetsi. Ka letsatsi lengwe Mowa oo o o tshwanang o o tlhalosiwang ka mokgwa o o tshwanang wa bodiredi o tla tla mo mothong kwa bokhutlong ja paka ya kereke ya Baditšhaba.

Gape: Lefoko la re Modimo o ne a tlotsa Jesu wa Nasaretha ka Mowa o o Boitshepo le ka thata, mme a ralala lefatshe a dira molemo, a fodisa botlhe ba ba gateletsweng ke Diabolo. Fa Jesu a ne a tsamaya O ne a bolelela barutwa ba Gagwe go letela go fitlhelela ka Pentekosete e leng nako e ka yone one Mowa o o neng o le mo go Ene o neng o tla boa go tla mo go bone mme o ba tlatse. Go tswa foo bao e leng 'ba ba biditsweng' mmele (e leng kereke) o ne o tla nna mo boemong ja Gagwe mo lefatsheng, o tsaya boemo ja Gagwe. Mme e re ka ba ne ba tla nna le one mowa oo o neng o le mo go ene, ba ne ba tla dira ditiro tse di tshwanang. Mme batho bape fela ba tota e leng Mmele wa ga Jesu Keresete (kereke ya boammaaruri) ba tla bontsha ditiro tse di tshwanang le tse Jesu le kereke ya Pentekosete ba neng ba di dira ka gonne ba tla bo ba na le Mowa o o tshwanang. Kereke epe fela e e se nang Mowa le ditshenolo e tla tshwanelwa ke go ikarabelela mo Modimong.

Gape e bolela gore dinaledi tse tse supa, kana barongwa ba le supa ba dipaka tse supa ba mo seatleng sa Gagwe. O ba tshededitse. O itse ka bonako gore fa di tshwerwe mo seatleng sa gagwe di amana le maatla a Gagwe. Ke sone se kaiwang ke seatla. Se supa maatla a Modimo! Le taolo ya Modimo. Ga go ope wa bone yo o neng a tla ka maatla a gagwe le ka taolo ya gagwe. Ke sone se Paulo a neng a se bua. Ga go na motho ope yo o neng a ka leka go dira jalo. Go tsaya taolo ya Modimo le maatla a Mowa o o Boitshepo. Efangele e rerwa ka taolo ya Modimo ka maatla a Mowa. Banna ba botlhe ba ne ba nonotshiwa ke Moya o o Boitshepo. Botlhe ba ne ba emelana le lefatshe. Ba ka kgona go dira jalo. Ba ne ba tletse ka Modimo. Ba ne ba ROMETSEWE kana ba laetswe ke Modimo E SENG ke bone kana ke batho ba bangwe.

Jaanong ba ne ba na le se lefatshe le neng le ka se ka la nna le sone. Jesu o ne a re fa a tsamaya O tla romela Mowa wa Gagwe o lefatshe le neng le sa ka la kgona go o amogela. Go ntse jalo. Lefatshe, kana ditsamaiso tsa lefatshe di ne di ka se ka tsa Mo amogela. Ke sone se lekoko le leng sone—ke tsamaiso ya lefatshe. Mpontshe kereke ya tsamaiso ya lefatshe e e tletseng ka Mowa o o Boitshepo. Ke batla go e bona. Fa e le gore o kgona go mpontsha kereke e e ntseng jalo o tla bo o bona phoso mo Lefokong. Nyaa rra. Ga go na ope wa barongwa ba yo o neng a rulagantswe. Ba ne ba kobiwa kana ba gololwa ka gonne ba ne ba latofadiwa ka bolelo ja mokgatlho. Moya o o Boitshepo o ka nna jang mo

phuthegong fa e le gore phuthego ke yone e tseelang Mowa maemo mme makoko ke one a tseelang Lefoko maemo? Gakologelwa, "Thulaganyo ya lekoko" ke "LESO". Ga go ka ke ga nna ka tsela epe e nngwe. Fa lefatshe le tsaya taolo, Mowa o a tsamaya.

Ee, Mowa ga se Mewa e supa mme o MONGWEFELA. O tla nna a ntse a tseletse a tshwana e bile a dira dilo ka tsela e e tshwanang. Mme barongwa ba supa ba tla nna le Mowa o o tshwanang le go ruta Lefoko le le tshwanang le go nna le maatla a a tshwanang. Mme fa e le gore kereke ke kereke ya boammaaruri e tla nna le one Mowa o o tshwanang le Lefoko le ditiro tsa maatla tse ba neng ba na natso ka Pentekosete. Ka boitemogelo e tla nna kereke ya Pentekosete; mme go tla nna le ditepe, le go ranola le go porofeta le go fodisa. Modimo o tla nna mo gare ga bone mme Modimo O tla itshupa mo gare ga bone jaaka a ntse A dira ka metlha. Hallelujah! Mme o tla seka a nna lekoko. Le se ka la lebala seo.

Jaanong re kgona go bona gore Jesu Keresete o ntse a iponatsa mo dingwageng tsotlhe ka Moya wa Gagwe mo baaposetoloing. Ba tshwana le Moshe mo baneng ba Iseraele. Fela jaaka a ne a na le tshenolo ya letsatsi la gagwe, morongwa mongwe le mongwe o ne a na le tshenolo ya Modimo le bodiredi jwa letsatsi leo.

Ka jalo fa re bona gore barongwa ba mo seatleng sa Gagwe, re bona Morena A itshupa A le mongwe wa banna bano mme A ba naya maatla A Gagwe. Ga go a lekana gore a ikgolaganye le kereke yotlhe, e re e boneng fa a ne a bonwa a eme fa gare ga ditlhommo tsa dipone tse supa tsa gouta. E bile ga go a lekana gore re bone bodiredi ja dikarolo tse tlhano tsa Baefesia 4 (baaposetoloi, baperofeti, barutisi, baefangele, badisa). Ka gonne mo pakeng nngwe le nngwe kereke e a timela, mme ga se batho fela ba e seng ba bodumedi mme le setlhopho—sa Badisa se phoso fela jaaka dinku. Go tswa foo Modimo O itlhagisa jaaka Modisa yo Mogolo mo ditirong tsa banna bano ba le supa go etelela batho ba Gagwe pele go boela kwa boammaaruring le mo maatleng a a tletseng a boammaaruri joo.

Modimo o mo bathong ba gagwe—botlhe ke batho ba Gagwe, gonne fa motho a sena Mowa wa ga Keresete, ga se wa Gagwe. Mme Ene ke Lefoko Eo e ne e tla nna Lefoko le batho ba neng ba tla le itse. Mme o tlhomile boeteledipele jo bo kgetlhegileng mo banneng ba ba Gagwe ba A ba itlhophetseng gape ka kgakololo e e tlhomameng ya thato ya Gagwe. Di bonala gangwefela mo pakeng nngwe le nngwe. Ke Moya o o tshwanang mo go bone. A bo seno se farologane thata jang ne le boheitane ja Roma! Ba na le monna yo ba mo itlhophetseng—ka go latelana morago ga yo mongwe—ga go na ope yo o ntshang maatla a Modimo—ga go na ope yo o nnang mo Lefokong la Modimo—mongwe le mongwe wa bone o farologana le yo o neng a le fa pele ga gagwe mme o oketsa se a se batlang jaaka e kete ke Modimo. Modimo ga a yo mo go teng. Mme Ene o mo morongweng wa gagwe, mme yo o batlang go nna le botlalo ja Modimo o tla sala morongwa morago jaaka morongwa sala morago Morena ka Lefoko la Gagwe.

*"Ene yo o nang le Mewa e supa ya Modimo le dinaledi tse supa."*

Tshenolo 3:1.

Fela jaaka Morena yo a ne a iponatsa le motho fa a ne a aga mo go ene, gape O iponatsa le motho ka Mowa wa Gagwe mo teng ga motho. "Ke ba me", go bua Morena. Barongwa ba ba supang ba ba tladitsweng ka Moya ke ba Morena. Ba ka nna ba ganwa. Ba ka nna ba bodiwa dipotso. Tota e bile, mo megopolong ya batho ba ka nna ba se ka ba lebega ba tshwanelega—le fa go ntse jalo, ke barongwa ba paka ya bone. Modimo o ne a dirisa Aborahame (o ne a bua maaka), O ne a dirisa Moshe (o ne a nna setsuoludi), Jona (o ne a tlhoka kutlo), Samesone (o ne a leofa) le Dafide (o ne a bolaya). Gape o ne a dirisa Joshua, le Josefa. Mme ba ba nang le makoa a a masisi ba bantsi thata go feta ba ditso tsa bone e lebegang e itekanetse. **BOTLHE BA NE., GAPE KE BA GAGWE.** Ga go na ope yo o ka ganetsang seo. O ne a ba dirisa ka Mowa o o Boitshepo o a neng a o tsenya mo go bone. Ba ne ba ema kana ba wa le Mong wa bone. Mme mo go bone botlhe thato ya Modimo e ne ya diragadiwa. A ditso tse di kwa ntle e leke go ganetsa se, e sa ntse se eme. Modimo wa Bosakhutleng o sa ntse a tsamaya mo gare ga ditlhommo tsa dipone tsa gouta mme o romela barongwa ba Gagwe ka Mowa wa Gagwe ka Lefoko ko bathong mo pakeng nngwe le nngwe.

### **Kgalo**

Tshenolo 3:1b,

*"Ke itse ditiro tsa gago, jaaka o na le leina la gore o tshedile, mme o sule."*

Tshenolo 3:2b,

*"Gonne ga ke a fitlhela ditiro dipe tsa gago di weditse fa pele ga Modimo."*

Jaanong fa, e le ruri, ke selo se se gakgamatsang thata. Mo pakeng nngwe le nngwe go tla go fitlha mo nakong e, Mowa o ne wa simolola pele ka go baka badumedi ba boammaaruri, mme morago ga moo wa kgala mofine wa maaka Mme mo nakong e go bonala go na le go sa tlotle Morena le Lefoko la Gagwe mo go feteletseng mo e leng gore molaetsa otlhe o o yang kwa pakeng e ya botlhano o utlwala o le

molato.

*"Ke itse ditiro tsa gago."*

Ke ditiro dife tse di neng tsa tla fa pele ga Morena mme tsa mo kgopisa? Jalo, o a itse gore paka nngwe le nngwe e ne ya fetela mo pakeng e e latelang, ka jalo re na le tswelediso ya ditiro tsa paka ya bone go ya kwa go wa botlhanu. Ditiro tse jaaka le itse sentle di ne di:

Boeteledipele ja Moya o o Boitshepo bo ne ba emisediwa ke thulaganyotatelano ya setho.

Lefoko le le itshekileng la Modimo le dipoelo tsa lone mo bathong botlhe di ne tsa tselwa kwa tlase go nna ditumelo, dithuto, melao ya kereke, jalo le jalo.

Kobamelo ya Mowa le Dineo tsa Mowa le tsotlhe tse di amanang le go nna mmogo ga boammaaruri ga bailshepi se ne sa latlhelwa kwa thoko gore go dirwe tirelo ya kobamelo ya medingwana, meletlo ya boheitane, jalo le jalo.

Kobamelo ya ga Maria e ne e tsaya maemo a a kwa godimo mo kobamelong ya Bokeresete, go fitlha a tsaya maemo a Bomodimo mme Morwa a tlosiwa mo maamong a Gagwe a a kwa godimo go feta a batho botlhe gore a ikobele monna yo o bidiwang mopapa, yo o neng a ipitsa moemedi wa ga Keresete.

Ba ba neng ba lwa le kereke e e e setlhogo ya moganetsakeresete ba ne ba felelediwa ba bolawa. Batho ba ba neng ba nna le yone ba ne ba iphitlhela e le batlhasedi ba kereke e ka tswa e le badiidi kana dikgosi. Botshelo ja bone e ne e se ja bone, e bile e ne e se ja ga Keresete, mme ba ne ba le ba Kereke ya Roma ka mmele, mowa le mowa. Ba ne ba bua ka madi a ga Keresete, lefa go ntse jalo ba ne ba reka poloko ya bone ka madi, mme ba reka boitshwarelo jwa maleo ka gouta kana ka go ikwatlhaya. Batho ba ba humileng mo go bone ba ne ba itumela fa Mopapa Leo X a ba letla gore ba reke boitshwarelo ja maleo a ba iseng ba a dire gore ba kgone go rulaganya ditiro tsa bone tse di maswe ka segakolodi se se phepa mme ba bo ba di dira, ba itse gore mopapa o setse a ba itshwaretse maleo a bone. Lefoko la Modimo le ne le ba fitlhegetse, ka jalo ke mang yo o neng a tla itse boammaaruri! E reka boammaaruri bo tswa fela mo Lefokong, batho ba ne ba tswaletswe mo kgolegolong ya Kereke ya Roma, ba emetse lesa, mme morago ga lesa katlholo. Mme seaka se segolo, se se neng se tagilwe ke madi a baswelatumelo mme se sa akanye ka katlholo, se ne sa tswelela pele ka bosetlhogo go bolaya batho ka lesa lwa semowa le la mmele.

Jaanong go ela kwa bokhutlong ja paka ya bone, e gape e neng e tla nna tshimologo ya paka ya botlhanu, go tlaselwa ga ga Constantinople ke Ma-Turkey go ne ga romela bakanoki ba ba rutegileng ba kwa Botlhaba le mekwalo ya bone ya seatla ya Segerika kwa Bophirima. Go itsheka ga Lefoko le dithuto tsa badumedi ba boammaaruri ka jalo di ne tsa anamisiwa. Mme ga se fela gore barutisi ba ba ba molemo ba ne ba le botlhokwa thata mme gape go ne ga tlhamiwa selo se se neng sa nna motheo wa metšhine ya rona ya kgatiso ya segompiano, se se neng sa dira gore go nne motlhofo go dira dibuka. Ka jalo re fitlhela gore tlala e kgolo le go batliwa ga Baebela go ka arabiwa.

Modimo o ne a tsosa banna ba le bantsi ba ba maatla ba Luther e neng e le mongwe wa bone. Calvin le Zwingli e ne e le batho ba bangwe ba babedi ba ba tumileng mme kwantle ga bone go ne go na le ba bangwe ba bantsi ba ba sa itsiweng thata. Lefa go ntse jalo, lefa tse tsotlhe di ne di se lefela, tiro e e kgolo ya Modimo e ne ya kgorelediwa ke banna ba. Sa ntlha, ga ba A KA ba ganetsa lenyalo la ga Kereke le Puso la Lekgotla la Nicaea mme tota ba ne ba rotloetsa kgolagano eo.

Puso e ne ya amogela go femelwa ga Efangele le fa go ne go se na Lefoko le le neng le e emela. Mme lefa re kgona go bona gore "tšhakangalo ya motho e baka Modimo," mo ditiragalong tse di jaaka fa Henry VIII a ne a lwela diphetogo le go gana taolo ya mopapa, seo se ne se farologane thata le boammaaruri ja Pentekosete le tshireletso ya Modimo mothatayotlhe.

Le mororo Luther a ne a ruta ka nako tsotlhe kgatlhano le go itshunya nko mo dikgannyeng tsa kereke ya lefelo leo, o ne a sa kgone go phepafatsa megopolo ya batho mo kgopolong ya kgopolo ya gore "Mobishopo, Mobishopomogolo" ke puso ya kereke. Ka jalo kereke e ne ya tsaya kgato e le nngwe mo tseleng e e siameng mme e ne ya nna e golegilwe, ka jalo go ise go ye kae o ne a tsennwa gape mo kgolegolong e a neng a leka go tshaba mo go yone.

Le fa go ntse jalo, senwelo sa ditiro tse di makgapha se ne se ise se tlale. Luther ga a ka a tlhotlheletsa fela batho go lwa ka go bo a ne a sa kgone go dira ditshwetso tse di siameng mme ka go dira jalo gone ga baka lesa la le bantsi; mme setlhopha sa ga Zwingli se ne sa bogisa Dr. Hubmeyer, mme le mororo e ne e sa mo atlhole ka gore a bolawe ka molelo, tota e ne e le yone e neng ya mo bolaya ka molelo. Mme Calvin o ne a dira se se tshwanang, ka gonne o ne a batla gore Servetus yo o neng a bone le go ruta gore go na le Modimo a le mongwe fela a tshwarwe. Morago ga moo Puso e ne ya sekisa mokaulengwe yo, mme Calvin o ne a swaba fa a ne a fisiwa mo koteng.

Fa e le gore go kile ga nna le nako ya tlhoafalo ya makoko, e ne e le ka nako e ya matlhotlhapelo.

Mafoko a ga Comenius a tihalosa bontsi ja nako e. Comenius o ne a kwala se "SELO SENGWE SE SE TLHALELEGILENG." O tshwantsha lefatshe le kgogometso, mme o bontsha gore tsela ya go tswa mo go yone ke ka go tlogela se se sa tlhokegeng, mme o tlhophe selo se le sengwe fela se se tlhokegang—Keresete. O bolela gore palo e kgolo ya barutisi, ke yone lebaka la go bo go na le makoko a mantsi jaana, a go tla tlogang go sa tlhole go na le maina a one. Kereke nngwe le nngwe e itsaya e le yone ya boammaaruri, kana e le e e itshekileng, kana karolo ngwe ya yone e na le boammaaruri, fa mo gare ga bone ba bogisana ka letlhoo le le botlhoko thata. Ga go na go letlelelwa gore go nne le kutlwano fa gare ga bone; ba tla kopana le bobaba jo bo sa feleng.

Ba itlhamela ditumelo tsa bone tse di farologaneng go tswa mo Baebeleng; tse ke dikago tsa bone tse di thata le dikago tsa bone tse di ba sireletsang le tse ba itshireletsang mo go tsone mme ba emelana le ditlhaselo tsotlhe. Ga nkitla ke re dipolelo tse tsa tumelo—di bosula ka gonne re ka dumela gore mo mabakeng a le mantsi—di bosula. Le fa go ntse jalo, di nna jalo ka gonne di kgotletsa molelo wa bobaba; ke fela ka go di latlha gotlhelele go ka kgonegang gore go dirwe tiro ya go fodisa dintho tsa Kereke. "Mo kgokgometsong e ya makoko le ditumelo tse di farologaneng go na le e nngwe gape; ya lerato la go ngangisana... Go fitlhelwa eng ka gone? A go kile ga rarabololwa kgotlhang e le nngwe fela ya go ithuta? Ga go ise. Palo ya bone e ile ya oketsega fela.

Satane ke motlhalefi yo mogolo go gaisa botlhe; ga a ise a ko a fenngwe ka ntwaga ya mafoko... Mo tirelong ya SeModimo gantsi mafoko a batho a utlwiwa thata go na le Lefoko la Modimo. Mongwe le mongwe o bua fela jaaka a rata, kana o senya nako ka go bona pateletsa ba babngwe le go ganetsa dikgopolo tsa bangwe. Ga go buiwe sepe ka go tsalwa sesha le kafa motho a tshwanetseng go fetolwa ka teng gore a tshwane le Keresete gore a nne le seabe mo Tlhagong ya Bomodimo (2 Petere 1:4). Fa re bua ka maatla a dilotlele, Kereke e batlile e latlhelwa ke maatla a go golega, go setse fela maatla a go golola... Disakeramente, tse di fiwang di tsewa jaaka matshwao a kutlwano, a lorato, le a botshelo jaa rona mo go Keresete, di ile tsa nna seipato sa dikgotlhang tse di botlhoko thata, lebaka la letlhoo le le sa feleng, lefelo la makoko...

Ka bokhutshwane fela, Sekeresete se ne sa nna Kgokgometso fela. Tumelo e kgaogantswe ka dikarolo di le sekete tse dinnye mme o tsewa o le mokgelogi fa o sa amogele nngwe ya tsone... Ke eng se se ka thusang? Selo se le sengwe fela se se tlhokegang, ke go boela kwa go Keresete, go leba kwa go Keresete jaaka moeteledipele a le esi, le go tsamaya mo dikgatong tsa Gagwe, re beela ditsela tse dingwe tsotlhe kwa thoko go fitlha rotlhe re fitlha kwa mokgeleng, mme re fithile mo kutlwanong ya tumelo (Baefesia 4:13). Fela jaaka Mong wa selegodimo a agile sengwe le sengwe mo motheong wa Lefoko, le rona re tshwanetse go tlogela dilo tsotlhe tse di kgethegileng tsa ditumelo tsa rona mme re kgotsofalele Lefoko la Modimo le le senotsweng le e leng la rona rotlhe. Fa re tshwere Baebele mo seatleng sa rona re tshwanetse go goa jaana: Ke dumela se Modimo a se senotseng mo bukeng e; Ke tla ikobela ditaello tsa Gagwe; ke solofela se a se solofeditse. Bakeresete, reetsang! Botshelo ke bongwe fela, mme Leso le tla mo go rona ka ditsela di le sekete. Go na le Keresete a le mongwe fela, mme go na le Baganetsakeresete ba le sekete... Ka jalo, lona Labokeresete, o itse gore selo se le sengwe fela se se tlhokegang ke eng. O ka nna wa boela kwa go Keresete kana wa nyelela jaaka Moganetsakeresete. Fa o le bothale mme o batla go tshela, latela Moeteledipele wa Botshelo.

Mme lona Bakeresete, itumelelang go tselwa kwa legodimong,... utlwanang mafoko a Moeteledipele wa lona wa selegodimo, 'Tlang kwa go nna.'... Araba ka lentswe le le lengwefela, 'Le fa go ntse jalo, re a tla.'

Jaanong ke sa tswa go bolela gore nako e e ne wa dira gore moya wa makoko o gole fela thata. Fa e le gore mokgwa wa gore "Ke wa ga Paulo, ke wa ga Kefase", o kile wa supywa, ke gone jaanong. Go ne go na le Balutere, Ba-Hussite, mokgatlho wa ga Zwingli, jalo le jalo. Go kgaogannwa gono ga Mmele go ne go utlwiswa botlhoko. Ba ne ba tshela ka leina mme ba sule. Ka mmatota ba ne ba sule. Ba ne ba swa fela fa ba simolola go rulaganya makoko. Ditlhopha tse dikgolo di ne tsa rulagannwa ka makoko mme tsa ikgolaganya le puso ka lenyalo. Seo se ne sa se dira. Ba ne ba feletse.. Fa e ne e le Balutere ba ba neng ba tshwaya Kereke ya Roma phoso. Ba ne ba itse kafa go sa siamang ka teng go nna le dikamano tsa sepolotiki le tsa semowa—lefa go ntse jalo Luther (jaaka fa Petere a ne a gatelelwa ke Bajuta) o ne a tswelela pele mme a dira gore puso e nne yone e femelang tumelo go na le Modimo. Le ke lekoko la ntlha la bodumedi le le neng la nna le leina le lentle le le neng la tswa mo seaka, mme fa Luther a ne a swa go ne ga se ka ga tsaya nako e telele pele ga le nna le maemo a a tshwanang le a le neng le a lwantsha. Kgato e ya Modimo, ka nako ya fa kokomana ya bobedi e ne e tla e ne e le kafa tlase ga diphuka tsa ga mmaagwe. O ne a boile mme a sa itse. Ba ne ba tsetse leina la bone kwa godimo ga Leina la Gagwe. Le bone, ba ne ba tshela ka leina la bone.

Mme makoko otlhe a dira sone seo gompieno. Ba tshela ka leina la bone, e seng ka leina la Morena Jesu Keresete. Seo se bonala motlhofo ka gonne kereke nngwe le nngwe e itsege ka tsela e e obamelang ka yone mme ga go na epe e e itsiweng ka maatla a Modimo. Ke yone teko ya gago. Mme ke batla gore le lemoge fa gore nako e e ne e se na ditshupo le dikgakgamatso mo go tsone. Ba ne ba latlha maatla a Modimo mme ba a dirisa mo pusong. Ba ne ba ngaparela leina la bone; ba ne ba dira gore maina a bone a



nne magolo. E ne e le mowa oo wa bogologolo wa go dira gore mongwe le mongwe a tsene mo lesakeng la gagwe. Gompiano Ma-Baptist ba batla gore Ma-Methodist ba tle kwa Ma-Baptist. Ma-Methodist ba batla go sokololela Ma-Presbyterian. Mme Ma-Pentekosete ba ba batla botlhe. Nngwe le nngwe ya tsone e bolela gore ke yone e e nayang batho dilo tse dintsi e bile e na le tsholofelo e kgolo—e tshwana le kgoro e e isang kwa legodimong, kana bobotlana e le tsela e e isang kwa go nneng le letlotlo le lentsi. A bo se sotlhe se utlwisa botlhoko jang ne.

Mowa o wa selekoko o dirile gore makoko otlhe a kwale dibukana tsa one tsa kaelo le go ruta ditumelo tsa one, a tlhome diofisi tsa one le dipuso tsa dikereke mme morago ga moo mongwe le mongwe wa one a bo a bolela gore ke ene fela yo tota a buang mo boemong ja Modimo ka gonne a tshwanelega thata. A bo se e le sone se mopapa le Kereke ya Roma ba se dirang! Ba go ne koo le mmaabone, e leng seaka, mme ga ba itse.

Fa re konela dikakgelo tsa rona ka temana e, "o na le leina la gore o a tshela mme o sule," Ga ke ka ke ka go gatelela thata gore paka e, le mororo e ne ya tliša phetogo, e ne wa kgalemelwa ke Modimo ka tsela e e gagametseng go na le gore e bakiwe, ka gonne O NE WA JALA PEO YA SELEKOKO E E NENG YA BUSELETSA TSAMAIISO LE TUMELO YA GAPE, morago ga Modimo a sena go bula kgoro ya go tshaba. Fa ba ne ba tlogela Kereke ya Katoliki, tota e ne e se ka lebaka la semowa, mme e ne e le ka ntata ya sepolotiki. Bontsi ja batho ba ne ba nna Baporotesetanta ka gonne ba ne ba tlhoile tsamaiso ya Baroma ya go patikiwa ke tsamaiso ya sepolotiki le letlhoko la madi, jaaka ke setse ke boletse. Ka gone, go na le gore se e nne kgato e kgolo ya Semoya e e nang le matshwao otlhe a tlotlhetso ya Moya o o Boitshepo jaaka fa Modimo o ne o dirisa dilo tsa Semoya fela go diragatsa maikaelelo a Gagwe kwa Pentekosete, ele ruri e ne e le TIRO E MO GO YONE MOTHO A NE A RORISA MODIMO KA BOGALE, mme maduo a yone a ne a tshwana le a ditso tsa Iseraele fa e ne e tswa kwa Egepeto mme ba kgarakgatshega mo nageng, ba seka ba goroga kwa Lefatsheng la Kanana. Lefa go ntse jalo, ko mafelong a tsamaiso ya Roma eneg e le bokoa teng, batho batho ba ne ba ka amogela Lefoko la Modimo mme ba ineela mo tlotlhetso ya Moya kwantle ga poifo e kgolo jaaka pele. Se se ne sa bula kgoro ya motlha o mogolo wa borongwa o o neng wa latela.

Jesebele wa Thiatira o ne a sa batle go tlogela go laola batho, mme ka jalo re bona morwadie Athalia a tlhagelela mo Pakeng ya Saredisa ka tsholofelo ya gore o tla kgona go kgoreletsa losika la boammaaruri ka maano a gagwe a go rulaganya.

### Tlhagiso

Tshenolo 3:2,

*"O nne o lepile gape o nonotshe dilo tse di setseng, tse di tlogang di swa gonne ga ke a fitlhela ditiro tsa gago di itekanetse fa pele ga Modimo"*

Ke eletsa e kete go ka twe Paka ya Saredisa e ne e le ya go tsosolosa dilo go na le go dira diphetogo. Ga ke kake bua jalo. Lefoko ga le e bitse go tsosolosiwa, mme ele ruri le e bitsa phetogo. Fa e ka bo e ne e le go tsosolosiwa, paka e e ka bo e le paka enngwe ya Pentekosete. Mme e ne e se yone. Se se ka bong se builwe ka sone se seleng botoka e ne e le, *"Nonotsha se se setseng, se se tlogang se swa."* Go ne go na le sengwe se se neng se tlhela. Ee, ruri go ne go ntse jalo. Paka e e ne e na le tshiamo, mme e ne sa itshepisiwa gape e sa kolobediwa ka Mowa o o Boitshepo. Ke sone se eneng e le lenaneo la Modimo kwa tshimologong. Ke sone se ba neng ba na le sone ka Pentekosete. Ba ne ba siamisiwa, ba itshepisiwa, mme ba tlala ka Mowa o o Boitshepo. Ka goreng, nthetsang, lebaka la go bo o siamisiwa le go itshepisiwa ke gore o kgone go kolobediwe ka Mowa o o Boitshepo.

Ke lone lebaka la go bo go na le kereke. Ke tempele ya Modimo e e tletseng ka Modimo, tota le Mowa o o Boitshepo. Mowa o o tshwanang le oo o neng o le mo go Jesu fa a ne a le mo lefatsheng le, o o neng wa dira gore a dire ditiro tse di maatla tse a neng a di dira o ne wa boela mo kerekeng ka Pentekosete gore ba dire ditiro tse a neng a di dira. Paka e e ne e sena ditiro tse di tshwanang le tseo. Oo, ba ne ba na le Lefoko le le kwadilweng, (mme e seng Lefoko le le senotsweng). Nako e e ne e le ya Diphetogo. Mme le se ka la boifa letsomanyane, Modimo o ne a re, "Ke tla tsosolosa", mme phetogo e e ne e tlile go nna tshimologo ya yone. O ne a tla (go ya ka tsholofetso ya Gagwe) tsaya kereke go tswa kwa boteng ja ga Satane mo Dipakeng tsa Lefifi go ya kwa Boteng ja Modimo jo ba neng ba na le jone ka Pentekosete le mo dingwageng tsa ntlha di le mmalwa tsa fa kereke e santse e le teng.

Jaanong elang tlhoko, mme le tlhaganyane se. Go buiwa jaana mo temaneng e ya bobedi e ke e balang: "Gonne ke fitlhetse ditiro tsa gago di sa itekanela fa pele ga Modimo". A tota le itse gore 'go sa itekanela' go kaya eng? Ke 'se se sa diragadiwang.' Dingwaga tse e ne e le tsa paka e e neng e ise e tle. E ne e le tshimologo fela ya go boela kwa tshimologong. Ke gone ka moo ke neng ka re Baebele e e bitsa Diphetogo—e seng Pusetso. E ne e simologile ka thuto ya go siamisiwa e e neng e kaya gore poloko yotlhe e tswa mo Modimong. Oo, a bo Luther a ne a rera jang ka bolaodi ja Modimo le go tlhophiwa ga gagwe! O ne a itse gore gotlhe e ne e le ka lebaka la tshegofatso. O ne a a kgaoganya kereke gore e seka ya buswa ke tsamaiso ya tatelaono ya setlhopho sa baruti. O ne a thubakanya a diga medingwana.

O ne a kgaphela kwantle tsamaiso ya go ipolela maleo kwa baperesiting. O ne a kgala Mopapa. E ne e le selo se se molemo tota, fa a ne a simolola, mme Modimo o ne a rile dingwaga di le 1500 pele ga foo, "Luther, o tlile go simolola dilo, mme dingwaga tsa gago di tla dira gore dilo tsotlhe di se ka tsa diragadiwa, ke tlogelela seo kwa morago". Aleluya, Modimo wa rona o a busa! O itse bokhutlo go tloga fela kwa tshimologong. Ee, Luther e ne e le morongwa wa Gagwe. Go ne go sa lebege go ntse jalo, fa re ntse re sekaseka diphoso tsa yone. Mme go ne go na le monna mongwe yo o neng a bidiwa Jona, le ene o ne a na le diphoso mo botshelong jwa gagwe. E ne e le moperofeti le mororo nna le wena re ka tswa re sa batle go bua jalo ka ntlha ya tsela e a neng a itshwara ka yone. Mme Modimo O itse ba e leng ba Gagwe mme O dira dilo ka tsela ya Gagwe fela jaaka A ne A dira ka Jona. O ne a dira dilo ka tsela ya Gagwe le Luther mo pakeng eo, mme O tla dira dilo ka tsela ya Gagwe go fitlha kwa bokhutlong.

Jaanong e e ne e le nako e e neng e ise e diragadiwe. E ne e le paka ya diphetogo. Mme ke ka fa Modimo A neng a batla go nna ka teng. Ke batla le bontsha seo ka tsela e ke neng ka e bontsha mokaulengwe mongwe yo o molemo thata wa Lutere yo e leng tautona ya seminara e e molemo thata ya kwantle kwa Bophirima. Ke ne ke laleditswe kwa lapeng la gagwe gore ke ye go ja le ene le go bua le ene ka ga Mowa o o Boitshepo. O ne a gakgamaditswe ke dilo di le dintsi mme a nthaya a re, "Rona Balutere re na le eng?"

Ke ne ka re, "le na le Keresete".

O ne a re, "Re batla Mowa o o Boitshepo. A o akanya gore re na le yone?"

Ke ne ka re, "o na le bokgoni ja gore o dumele mo go yone."

O ne a re, "O raya jang fa o re ke na le bokgoni ja gore ke bo ke na le ene mo go nna? Re nyoretse Modimo. Re ne ra bala buka e e buang ka Pentekosete le dineo tsa Mowa, ka jalo bangwe ba rona re ne ra ya kwa California go ya go bona mokwadi wa yone. Fa re fitlha koo o ne a re bolelela gore le fa a ne a kwadile buka e, o ne a se na dineo. Jaanong fa re ne re bona tiro ya dimpho mo bodireding ja lona re ne ra batla go bua le lona, gonne le tshwanetse la bo le itse sengwe ka tsone."

Jaanong sekolo sa boruti sa mokaulengwe yo se kwantle mo polaseng mme se dikologilwe ke masimo a a magolo a diheketara tse dintsi a baithuti ba neng ba bereka mo go ba bo ba dirisa dituelo go duelela dithuto tsa bone tsa sekole sa boruti. Gape o na le madirelo a aneng a tsamaisana le polase go dira ditiro tse dingwe. Ka jalo ke ne ka dirisa masimo a gagwe go tshwantsha kgang ya me ke re, "Go kile ga bo go na le monna mongwe yo o neng a ya kwa tshimong ya gagwe go ya go jala korong. O ne a kumula disana, a tlosa maje, a lema a bo a jala mmidi wa gagwe. Moso mongwe le mongwe o ne a leba kwa ntle mo tshimong; mme mo mosong mongwe o ne a bona fa go neng gontse go le lebala, go tlhagile tshutlha ya dimela tse di le dintsiantsi. O ne a re: "A go bakwe Modimo ka ntlha ya tshimo ya me ya mmidi." Ke ne ka mmotsa jaana, 'A monna yo o ne a na le mmidi?'

O ne a re, "Ee, ka tsela nngwe o ne a na le one".

Ke ne ka re, "Ka lebaka la gore a ba a na le bokgoni, ee; mme e ne e le lona Balutere ka nako ya Diphetogo, le ntsha thaka ya lona, a ga le bone? Mmidi o ne wa simolola go gola. (Morago ga gore e bole e le mo mmung ka nako ya Dipaka tsa Lefifi). Fa o ntse o golela kwa godimoo nna le ditokololo tse dintsi ka go latelelana go ne ga tsena letlhaka, mme letsatsi lengwe sefako se ne sa tlhaga. Sefako seo sa seleke sa lebelela kwatlase ko matlhareng mme sa re, "Lona Ba-Lutheran ba ba le tsiditdi ga le na sepe. Re lebeleleng, re bajadi, ba e eleng barongwa ba bagolo. Nako ya rona ke ya barongwa." Paka ya sefako e ne ele Paka ya ga Wesley. E ne e le barongwa ba ba molemo go gaisa botlhe e bile ba ne ba re gaisa thata mo pakeng ya rona. Paka eo e ne ya dira eng? E ne ya gasama mme ya anama jaaka mmudula mo phefong.

"Jaanong kgato e e latelang ke efe? Ka tsela e e utlwalang re akanya gore se ke go bopiwa le go rojwa ga korong—mo e leng sekele e e feletseng. Mme ga go a nna jalo. Go na le legato le nngwe gape. Legato leo ke fa go nna le moroko kana makapi a a bipang peo. Mme seo ke sone se se neng sa diragala mo tikologong ya Semowa. Kwa tshimologong ya dingwaga tse lekgolo la masome a mabedi, kwa tshimologong ya Pakeng ya Laodikia, go ne go na le dipolelo tse di neng tsa anama gore gore Mowa o o Boitshepo o ne o fologa fela jaaka o ne o fologa ka Pentekosete. Batho ba ne ba bua ka diteme mme ba bolelela gore ba kolobeditswe ka Mowa o o Boitshepo ka bosupi ja go bua ka diteme. Mme ke ne ke tle ke tsamaye mo masimong a korong ka makgetlho a le mantsi, mme kwa bokhutlong ja selemo ke ne ke roba ke phutha difako tsa korong ke bo ke di suga mo seatleng sa me gore ke kgone go ntsha korong, ke ne ka gakgamala FA KE SA BONEKORONG MO SEFAKONG, LE FA E NTSWA E LE RURI SE NE SE LEBEGA JAAKA E KARE SE NA LE KORONG. Se ke setshwantsho sa ditiragalo tsa ba ba Pentekosete.

Mme gore se ke boammaaruri jo bo tlhomamisitsweng go bonala ka gore batho ba ba ne ba RULAGANYA LEKOKO KA THUTO mme ba ikgolaganya le bone fela jaaka phuthego e e neng e le fa pele ga bone, ba supa gore go na le gore e nne peo ya mmatota, e ne e le letlhaka kana tshireletso e e bipileng peo ya korong e e neng e tla tla. Kgato eno ya moroko e ne e le nako e e kotsi e Jesu a neng a bua ka

yone mo go Mathaio 24:24, 'go tsietsa ba ba kgetlhlweng fa go kgonega.' Oo, motho o ne a ikutlwa gore makapi a a e leng moroko, e leng Paka ya Pentekosete e ne e le peo ya boammaaruri. Mme e ne ya itshupa e le yone fela e e tla tlisang botshelo mo pakeng e go tsosolosiwa ga boammaaruri go tla tlang ka yone mme Monyadiwa wa Korong a bonatshega ka maatla a a umakiwang mo go Esekiele 47:2-5,

*"Go tswa foo a nkisa kwantle ntle ka tsela ya kgoro ntlheng ya botsheka, a nkgogela mo tseleng ya ka fa ntle go ya kwa kgorong ya ka fa ntle, ka tsela ya kgoro e e lebileng ntlheng ya botlhabatsatsi; mme bonang, ga bo go tsitla metsi ka fa ntlheng ya letsogo le legolo la moja.*

*Mme e rile monna yoo a tswela ntlheng ya botlhabatsatsi a tshotse rulara, a lekanya mabogo a le sekete, mme a nthalatsa metsi, e le metsi a a fitlhang fa manyenyana.*

*Gape a lekanya mabogo a le sekete, mme a nthalatsa metsi, e le metsi a a fitlhang mo mangoleng. Gape a lekanya mabogo a le sekete, mme a nthalatsa metsi, e le metsi a a tshwarang dinoka.*

*Morago ga moo a lekanya sekete; mme e ne e le noka e ke neng ke ka se ke ke kgone go e kgabaganya: gonne metsi a ne a emeletse, metsi a a neng go ka tunkiwa mo go one, noka e ne e sa kgone go kgabangwa."*

Mme tsela e e neng ya dirwa ka yone e ne e le ka thato ya Modimo le lenaneo la Gagwe. Ba-Lutheran ba ne ba na le Mowa o o Boitshepo o o ka bokgoni jo bo kafa tlase ga tshiamo; Ba-Methodist ba ne ba na le one bokgoni ja one o o tswang o le kafa tlase ga go itshepisiwa mme gompiono o buseditswe—e leng Mowa o o Boitshepo."

*Nna o lepile mme o nonotshe dilo tse di setseng, tse di gaufi le go swa."*

Jaanong megopolo e e tlhalosiwang ka mafoko a mabedi a, "tlhokomelang" le "nonotshang." Go nna o lepile ga go kaya fela go nna o tsogile mme gape go kaya go nna o thantse. Go dira se se farologaneng le seo go supa kotsi le tatlhegelo. Go nonotsha go raya go feta go naya maatla fela, go raya baakanya le go a tlhoma sennelaruri. Ditaolo tse tse pedi di bua ka se se setseng sa BOAMMAARURI jo ka bojone bo leng "gaufi le go swa. Tlhaloso ya Mowa o e tla e le sekai. Setlhopha sa makgoba, se se neng se le mo bokgobeng jo bo feletseng mo mmeleng le mo boitsholong se ne sa tsoga mme sa falola ba ba neng ba se thopile (tota ke se Saredisa e se kayang: ba ba falotseng). Ba a latelwa mme dilo tse dikgolo le tse di molemo tse ba di fitlheletseng di a nyelela. Ga ba ise ba tsewe gape, mme se re ka se buang fela ke gore ba ile ba falola—e seng go falola ba le phepa jaaka bangwe ba ne ba dira go ya ka Lefoko. Ba ne ba latlhegetswe ke bontsi ja kgololesego ya bone.

Jaanong Morena o bua jaana, "O ka nna wa boela kwa botshwarong; ela tlhoko gore ga o boele morago. Gore o se ka wa nna o boela kwa morago o tshwanetse go tlhanyega le go nna ka nako tsotlhe malebana le dilo tsa botshwarwa ja gago go sa nneng jalo o latlhegelwa ke tsotlhe. Inonotshe jaanong mo go se o se sadisetseng ka mokgwa wa go tlhomela ruri se o nang le sone mme ka jalo go sireletsa go latlhegelwa mo isagweng. Se e tla nna tshono ya gago ya go diragatsa se o iseng o se dire." A mme ba ne ba tswelela? Nyaa rra. Ga ba a ka ba reetsa lentswe la Mowa le paka e nngwe e ne ya tsena mo bokgobeng gape Modimo o ne a godisa ba bangwe ba ba tla diragatsang go rata ga Gagwe. Modimo o ne a tlhokomolosa lekoko la Lutere jaaka a dirile ka ba bangwe botlhe, mme ga ba kitla ba tlhola ba boa. Modimo o ne a tshwanelwa ke go tswelela pele mme mopakeng e ntsha a tlisa boammaaruri jo bo oketsegileng le tsosoloso e e oketsegileng.

### **Kattholo**

Tshenolo 3:3,

*"Ke gone, o gakologelwe ka fa o amogetseng wa utlwa ka teng; o go tshegetse, o bo o ikwatlhaye. Ka re, fa o sa lepe, ke tlaa tla jaaka legodu, mme ga o ketla o itse nako e ke tlaa go tla ka yone."*

Ke batla go bala thanolo e nngwe (Wuest) ya temana e,

*"Ka gone, nna o gakologelwe tsela e o amogetseng ka yone (boammaaruri jaaka letlotlo le le nnelang ruri) le tsela e o utlwileng ka (yone) mme o bo boloke (bone), mme o ikwatlhaye ka bonako."\**

Go a bonala sentle mo temaneng e gore Modimo o ne a ba neile boammaaruri e le letlotlo le le nnelang ruri. E ne ya amogelwa mme ke ya bone ka tsela e e ka se fetolweng. Jaanong go saletse go re go bonwe gore ba tla dira eng ka jone, kana ba tla bo tsaya tsia kana ga ba kake. Mme seo ke boammaaruri. Ba filwe motheo wa nnete ya Efangeli yotlhe, "Basiami batla tshela ka tumelo", "Poloko ke ya Morena." Ba utwile boammaaruri ja Baebale jo bo latlhang dithuto tsa Roma le go ikgatholosa bolaodi ja

mopapa. Ba ne ba itse boammaaruri jgore kereke ga e boloke. Ba ne ba tlhaloganya Selalelo sa Morena. Ba ne ba na le lesedi ka kolobetso ya metsi. Ba ne ba tsenya ditshwantsho. Boammaruri? Ke ka ntlha ya eng fa go ise go ko go nne le paka e mo go yone go neng go na le batho ba bantsi jaana ba ba neng ba ka bonesa lesedi le lentsi jaana. Ba ne ba na le lesedi le le lekaneng go baakanya ba fetola tsamaiso ya bogologolo gotlhelele kana go simolola sesha mme ba letle Modimo gore a ba kaele, mola mo molenga le molao mo molaong. Ba ne ba amogela boammaaruri. Ba ne ba bo batla mme ba bo utlwa.

Mme potso e ne e le gore, ba ne ba e utlwa jang? A ba ne ba e utlwa gore ba agele mo godimo ga jone kana a e ne e le ka boikutlo jo bo tshwanang le jo Bagerika—ba le bantsi ba neng ba na le jone? Go supagala gore Lefoko le le humileng la boammaaruri le ne le utlwiwa ka tsela ya thutego ya tlhaloganyo, go na le gore le tshelwe gore go bonagale ditiro tsa lone, gonne Modimo o ne a batla phetogo ya megopolo malebana le lone. Fa e le gore se ke Lefoko la Modimo, le ka mmatota e leng lone, jalo le tshwanelwa ke go obamelwa. Go palelwa ke go mo ikobela go tla tlisa katlholo. E rile fa badisa ba tempele e e boitshepo ba ne ba fitlhelwa ba robetse, ba ne ba itewa mme diaparo tsa bone dine tsa fisiwa. Morena o tla dira eng ba mo pakeng e ba kgobileng kgetsi ba sa nna ka go nna ba lepile?

*"Ke tla tla jaaka legodu."*

Saredisa wa bogologolo o ne o nna o tshwenngwa ke dinokwane tse di neng di fologa mo dithabeng di bo di gapa batho. Ka jalo ba ne ba itse sentle fela se Mowa o neng o se bolela gore go tla ga Morena go tla nna jaaka legodu. Go nna re disitse le go go ipaakanyetsa fela go tla re thusa gore ra bo re ipakanyeditse go tla ga Gagwe. Jaanong re a itse gore molaetsa o ke wa mofine wa maaka, ka gonne go tla ga Morena go tla nna jaaka mo nako ya ga Noa Batho ba le robedi ba ba neng ba falotse ba ne ba itse sentle gore morwalela o ne o tla tla, mme ka go bo ba ne ba itse, ba ne ba ipaakanyetsa go falola. Mme lefatshe la baikepi le ne la nyelediwa. Le fa ne ba nna ba kopana le basiami letsatsi le letsatsi gape ba utlwa boammaaruri, ba ne ba bo kgaphela go sele mgo fitlhela ba tlhanya go setse go le thari. Batho bao ba ba neng ba le senama ka nako ya bogologolo ba tshwana le Bakeresete ba gompiano ba ba ipitsang gore ke Bakeresete ba matshelo a bone a tletseng ka dilo tsa selefatshe, mme ba itumelela dilo tseo mo e leng gore ga ba eletse dilo tsa semoya, e bile ga ba itse sepe ka go tla ga Gagwe, le fa e le go ipaakanyetsa go tla ga Gagwe.

### **Mafoko a Pako**

Tshenolo 3:4,

*"O na le maina a se kafe mo Saredise, a ba ba se kang ba leswefatsa diaparo tsa bone; mme ba tlaa tsamaya le nna ba apere bosweu, gonne ba tshwanetse."*

Ke boammaaruri gore lefoko'maina' le kaya 'batho' jaaka le bolela mo go Ditiro 1:15 mabapi le ba ba neng ba le mo ntlo e e kwa legatong le le fa godimo, 'palo ya maina otlhe e ne e ka nna 120.'" Mme mo go nna ga se fela go kaya batho; go bontsha boammaaruri jo bo tlhalosiwang mo pakeng nngwe le nngwe jo Morena wa rona a neng a bo bua le rona ka go gatelela thata. Ke se: tsamaiso ya kereke ya dipaka tse e dirilwe ka mefine e mebedi, wa boammaaruri le wa maaka. Modimo o ba kopantse botlhe ka maikaelelo a bolaodi ja Gagwe, a ba bitsa kereke.

Bona kafa a neng a ba kgalemela ka teng mo motlheng o, a re, "go kereke e e"— seng "dikereke tse" di kwa Saredisa—mme e di kopanya mmogo—"kereke e e leng"... "Ke itse ditiro tsa gago... o sule... ditiro tsa gago ga di a diragadiwa... \* Mme a tswelela a re—"O (kereke e ya kwa Saredisa) na le batho ba sekae mo go lona ba ba siameng, mme ga ba dire phoso jaaka bontsi. Bano ba tsamaya ka diaparo tse di phepa mme ba ntshwanela..." Jaanong batho ba ba e neng e le baitshepi ba boammaaruri ba Modimo ba ne ba tsamaya ba itumedisa Morena." Diaparo tsa bone di ne di le phepa. Le a bona mo malatsing ao diaparo di ne di tle di feele mo tseleng di bo di phutha leswe lotlhe. Bano ba ne ba tlhokomela gore ba tsamaya jang gore ba se ka ba kgotlelwa ke lefatshe. Ba ne ba tshela ka mow e bile ba tsamaya ka mowa. Ba ne ba le boitshepo e bile ba se na molato fa pele ga Gagwe. Ka go dira jalo ba ne ba diragatsa maikaelelo a bone gonne seo ke se Baefesia 1:4 e se bolelang gore ke maikaelelo a Modimo ka rona, gore re nne boitshepo le go tlhoka molato fa pele ga Gagwe.

Jaanong go tswa mo temaneng e e e bontshang gore ba ba tlhophilweng ke Modimo ke "Maina a se mantsi", o ka kgona go bona sentle gore re ne re ruta eng ka paka e. Go ne go tlhakatlhakane. E ne E SA DIRAGADIWA. E ne e kgaogane ka ditsela di le dintsi, mme Modimo o ne a e kgalemela.. E ne e le bokoa e bile e lwala e bile e le gaufi le go swa. E ne e se nako ya ya kgalaletso ba kwala ditso ba ba akanyang senama ba Baporotesetanta ba ne ba akanya go e e fitlhelela. Fa re leba setlhare seo ka bonako re ne ra bona gore se ne se jelwe ke rusi gape se sena makwati, se se na matlhare e bile se se na maungo kwantle ga maungo a a sokameng le a a nang le diboko a a neng a wela fa fatshe ka bonako. Mme ema go se kae! Leba ka kelotlhoko. Kwa godimo kwa, mo leseding la letsatsi, go ne go na le'maungo a ntlha'— a 'Maina a se Mantsi'— a a neng a itekanetse mo go Ene ka gonne ba ne ba tsetswe ke Ene, ba tletse ka Ene mme ba tsamaya le Ene ka Lefoko la Gagwe.

Re leboga Modimo ka 'ba ba seng bantsi bao.'

*"Mme ba tla tsamaya le nna."*

Seo ke sone se Modimo a reng o tla se ba naya ka ntlha ya go tsamaya ga bone ka tshiamo. Seo ke karolo ya boswa ja bone jo a ba beetseng jone. Fa ba ne ba ratile go tsamaya le ene mo matshwenyegong le mo diraing tsa botshelo mme ba mo galaletsa, o ne a tšile go ba duela. Ga a lebele tiro ya rona ya lorato. Ka metlha Modimo o tla re duela ka ntlha ya maiteko a re a dirang go mo itumedisa.

Ee, ba ne ba tsamaile ba tsela mo lefatsheng mme ba se ka ba tsaya karolo mo dilong tsa lone. Ba ne ba sa letle gore tsamaiso ya lefatshe gore e e ba fenye. Fa maina a a itsegeng a paka eo a ne a ineetse mo go tlotlomatseng puso mme a tlhopha go nna le mogopolo wa bopopotiki go na le go nna le mogopolo wa semoya mme ba ne ba boela mo lefatsheng, ba sekae bano ba ne ba emela Lefoko la Modimo, mme ka go dira jalo ba tlotla Morena. Jaanong o ne a tla ba neela pelo ya tlotla. Gonne ba tla tsamaya le Ene ba apere bosweu. Ba ne ba itshupa le Ene mo lefatsheng mme jaanong O ne a tla itshupa le bone mo Jerusalema yo Mosha. Mme a bo go itshupa moo go tla bo nna molemo jang! Go a intumedisa mme gape go ntira gore ke lele fa ke akanya ka boikokobetso ja Gagwe, ka gonne le tla lemoga gore ga a apara mmala o o farologaneng le wa baitshepi, jaaka baeteledipele ba lefatshe ba ne ba ka dira. Nyaa, ba tshwana le Ene, mme le Ene o tshwana le bone. Ba tshwana le Ene, fela jaaka Johane a ne a re; gonne "ba tla Mmona jaaka A ntse."

*"Go nne ba na le tshwanela."* A le lemoga gore ke mang yo o buang mafoko a? Ke Jesu ka boEne, yo o Tshwanelwang ke go nna jalo. Ke Ene fela yo o neng a bonwa a tshwanela go tsaya lokwalo la mo seatleng sa Yo o ntseng mo setulong sa bogosi. Mme jaanong Ene yo o Tshwanelwang ke e Ene A rayang baitshepi ba Gagwe a re, "Le na le tshwanela." Yo ke Ene yo, Ene a le Esi fela yo onang le tshwanela ya go athola, (e bile tota katlholo yotlhe e neetswe mo go Ene,) mme a re, "O tshwanelwa ke seo."

Mafoko a a a gakgamatsa fela jaaka a a mo go Baroma 8:33b,

*"Modimo a re ke siame.God."*

(Tsela ya go Ranola.) Go ne koo mo leseding le lesweu la tshiamo ya Modimo, o utlwa lentswe le le monate la ga Jesu fa a re, "Ba ke Bame. Ke basiami. Ba a tshwanela. Ba tla tsamaya le Nna ba apere bosweu."

### **Tsholofetso Ya Mofenyi**

Tsholofelo 3:5,

*"Yo o fenyang, o tlaa apesiwa diaparo tse ditshweu: mme ga nketla ke phimola leina la gagwe mo Lekwalong la Botshelo, ke tlaa ipolela leina la gagwe fa pele ga Rre, le fa pele ga baengele ba Gagwe."*

*"Yo o fenyang o tla apesiwa diaparo tse ditshweu."*

Tota se ke go boeletsa temana 4, e e buang ka batho ba ba seng bantsi ba ba sa leswafatsang diaparo tsa bone. Dingwaga tse di fetileng re ne re rata go bua gore go ne go se na pelaelo mo mafoko a a mo temaneng e. E ne e le, "tlhomamisa gore o diragatsa maikarabelo otlhe a gago." Go ne go raya gore: o se ka wa itsenya mo dilong tse di belatsang; ba bangwe ba tla itsenya mo go tsone mme o ka nna wa raelesega go itsenya mo go tsone, kana mongwe a ka nna a leka go go tsenya mo go tsone; mme o nne kgakala le tsone tsothle ka go di tla Jaanong Modimo o tla duela batho ba ba salang morago kgakololo e. Ba tšile go apara diaparo tse ditshweu jaaka Ene a apere diaparo tse ditshweu. Petere, Jakobe le Johane ba ne ba mmona mo Thabeng ya go Fetoga Sebopego mme diaparo tsa gagwe di ne di le ditshweu jaaka lesedi. Ke kafa baitshepi ba tla aparang ka teng. Diaparo tsa bone di tla phatsima thata.

Le a itse gore re tshela mo nakong ya bofelo. Ke go ne mo pakeng e dikereke di tla kopanang mo go yone. Mme ereka gone jaanong ba laola dipolotiki tsa lefatshe, ba tla tloga ba laola madi a lefatshe. Ka jalo, fa o se leloko la phuthego ya lefatshe ya dikereke, ga o kitla o kgona go reka kana go rekisa. O tla latlhegelwa ke sengwe le sengwe. Ba ba nnang ba ikanyega mo Modimong mme ba tla nna ba tshegeditse bosweu ja diaparo tsa bone gore gore di se ka tsa leswafatswa ke 'tsamaiso e ya lefatshe' ya ditaolo tsa kereke ba tla latlhegelwa ke dilo tsa bone. Ba tla lralala diteko tse di kgolo thata gore ba ineele. Bareri ba tla ineela ka seipato sa gore ba tla direla Modimo mo tsamaisong ya sebatana sa moganetsakeresete. Ba tla ineela go kgatlhwa ke maaka le tsietso ya tsamaiso ya tatelano ya baeteledipele. Mme batho ba tla sala badisa ba ba maaka morago go ya kwa sebolaelong. Mme ka nako ya katlholo ba tla fitlhelwa botlhe ba sa ikatega. Ga ba kitla ba fiwa diaparo tseo tse ditshweu; e bile ga ba kitla ba tsamaya le Ene. Ga o ka ke wa tsamaya o apere diaparo tse di leswe tsa lefatshe, o

tshwarane ka diatla le diabololo fa, mme wa solofela go nna le Modimo. Ke nako ya gore re tsoge mme re utlwe lentswe la Modimo le goela kwa godimo, le re, "Tswang mo go ene (bodumedi jo bo rulagantsweng) batho ba me, gore le se ka la tlhakanela le ene mo maleong a gagwe, le gore le se ka la amogela dipetso tsa gagwe." Amene. Modimo o a bua. Tila ditumelo tsa lefatshe le jaaka o tla petso. Tlogela go tsamaya le lefatshe mme o dire gore diaparo tsa gago di nne ditshweu ka go ikwatlhaya le ka madi a Kwana. Mme dira jalo gone jaanong, ka gone ka moso go ka nna ga bo go le thari.

*"Mme yo o fenyang, ga nkitla ke phimola leina la gagwe mo Bukeng ya Botshelo."*

Re tla gape re fitlha mo karolong e e thata thata ya Lefoko. Temana e ega e sa tsewe ka tlhwaafalo e ka dirisiwa ke Ba-Arminian le Ba-Calvin go diragatsa maikaelelo a bone.

Ba-Arminian ba tla bolela gore temana e ele ruri e fedisa Johane 6:37-44,

*"Botlhe ba Rara o ba nnayang ba tla tla go nna; mme yo o tlang go nna, ga nketla ke mo kgarametsa ntle ka gope."*

*Gonne ke fologile kwa legodimong, e seng go dira thato ya me, fa e se go dira thato ya Ene Yo o nthomileng."*

*Mme se ke thato ya ga Rara Yo o nthomileng ke gore Ke se ka Ka latlhegelwa ke ope wa botlhe ba O ba nneileng, mme Ke ba tsose ka letsatsi la bofelo."*

*Jaanong Bajuta ba mo ngongoregela, ka a rile: "Ke nna senkgwe se se fologileng kwa legodimong."*

*Me ba re, A yo ga se Jesu, morwa Josefa, yo rraagwe le mmaagwe re ba itseng? Jaanong ke eng a bua jang a re: 'Ke fologile kwa legodimong?'*

*Jesu a ba araba mme a re Se ngunenguneng le ngongorega magareng ga lona*

*Ga go motho ope yo o ka tlang ko go Nna fa Rara Yo o nthomileng a sa mo goge: mme ke tlaa mo tsosa mo letsatsing la bofelo."*

Arminianism e dira gore thato ya ga Rara, e se nne boikaelelo jo bo nang le bolaodi, mme e nne keletso fela ya go ikgotsofatsa fa a ntse a ema go bona gore batho botlhe ba dira eng ka dimpho tsa Gagwe tse di molemo le tse di molemo, le eleng botshelo jo bo sa khutleng.

Ba-Calvin ga ba bone seo. Ba bona mo temaneng e kgomotso e kgolo e e neelwang baitshepi ba ba sotlegang, ba ba imetsweng, gore go sa kgathalesege gore dinako di bosula go le kana kang, pogiso e boitshega go le kana kang, ka gone yo o fenyang ke a le mongwe fela, "yo o dumelang gore Jesu ke Keresete," leina la gagwe ga le kitla le tloiswa mo bukeng eo. Bangwe gape ba bolela gore 'Buka e ya Botshelo' ga se 'Buka ya Botshelo ya Kwana.' Mme jaaka ka go tlwaelesegile, fa motho a leba temana ka tsela e e sa bonaleng, o e tlhaloganya ka tsela e e sa utlwaleng.

Kgonagalo ya gore leina lengwe le tlosiwe mo direktong tsa Modimo ga e a tshwanela go ithutiwa ka tsela e e sa reng sepe, ka gone go fitlha jaanong baithuti ba le bantsi ba ile ba swetsa fela gore Modimo o tsenya maina a batho ba ba tsetsweng sesha mo Bukeng ya Botshelo ya Kwana ka nako ya go tsalwa ga bone sesha; mme fa e le gore ka lebaka lengwe leina leo le tshwanetse go tloiswa, lefelo le le mo rekotong le tla bo le se na sepe fela jaaka le ne le ntse pele leina le tsengwa mo go lone. Se se farologane gotlhelele le se Lefoko la Modimo le se rutang.

Fa re simolola thuto ya rona, a re itse gore GA GONA lekwalo lepe le le rutang gore Modimo o kwala maina. Dilo tse tsotlhe di ne tsa dirwa pele ga lefatshe le thaiwa, jaaka re tla supa mo nakong e khutshwane. Gape, ga se kgang ya go itsalanya fela le ditlhopha tse pedi tsa batho bao boobabedi ba neng ba na le tshono ya go amogela botshelo jo bo sa khutleng, koo setlhopha se sengwe se neng sa bo amogela mme maina a sone a kwalwa fa ba bangwe ba ba neng ba gana ba ne ba sa kwalwa. Tota re tla bontsha ka Dikwalo gore boidiidi ja batho ba ba neng ba sa tsalwa sesha ba tla tsena mo botshelong jo bo sa khutleng. Le fa seno se ka utlwala se sa tlwaelega, ke boammaaruri e le ruri. Gape re tla supa gore go na le setlhopha sa batho bao maina a bone a neng a kwadilwe mo rekotong eo pele ga motheo wa lefatshe, GA GO NA LEBAKA LEPE LE LE KA DIRANG GORE MAINA AO A TLOSIWE; mme gape re tla supa gore go na le setlhopha se sengwe se MAINA A SONE A NENG A KWADILE MO REKOTENG EO PELE GA MOTHEO WA LEFATSHE BAO MAINA BONE A TLA TLOSIWANG.

Ga re simolola, ga go na motheo ope wa go bolela gore 'Buka ya Botshelo ya Kwana' ga e tshwane le 'Buka ya Botshelo.' Buka ya Botshelo e ka bidiwa Buka ya Botshelo ya Kwana, kana Buka ya Botshelo ya ga Keresete, kana le eleng Buka ya Gago le Buka ya Batshedi. Mo go yone go kwadilwe maina fela.

Tshenolo 13:8,

*"Mme botlhe ba ba agileng mo lefatsheng ba tlaa se (sebatana) obamela, e bong ba maina a bone a sa kwalwang mo lekwalong la botshelo la Kwana, yo o sa leng a tlhabiwa fa lefatshe le thaiwa."*

Tshenolo 17:8,

*"Sebatana se o se bonyeng se ne se le teng, mme jaanong ga se tlhole se le teng, mme se tla tlhatloga mo moleteng o o se nang boleanngo, se ya kwa tatlhegong. Mme ba ba agileng mo lefatsheng, ba maina a bone a sa kwalwang mo lekwalong la botshelo go tswa tlholegong ya lefatshe, ba tla gakgamala, fa ba bona sebata se se neng se le teng, mme jaanong ga se tlhole se le teng, mme se tla nna teng."*

Tshenolo 20:12-15,

*"Ka bona baswi, bagolo le ba banye, ba eme fa pele ga setulo sa bogosi; mme dikwalo dingwe tsa bulwa; lekwalo le lengwe la bulwaa, le e leng lekwalo la botshelo: mme baswi ba atholwa ka dilo tse di kwadilweng mo dikwalong, ka fa ditirong tsa bone."*

*Lewatle la ntsha baswi ba ba mo go lone, le lesa la ntsha baswi ba ba mo go lone, le Bobipo jalo; ba atholwa botlhe go ya ka ditiro tsa bone.*

*Mme lesa le bobipo di ne tsa latlhelwa mo bodibeng ja molelo, Se ke lesa la bobedi.*

*Mme ope fela yo o neng a fitlhelwa a sa kwalwa mo Lekwalong la Botshelo, o ne a latlhelwa mo bodibeng ja molelo."*

O kalemoga gore le mororo go umakiwa dibuka tse dingwe, nako yotlhe go umakiwa buka E LE NNGWE e e nang le maina. Mo go Tshenolo e bidiwa 'Buka ya Botshelo ya Kwana,' kana 'Buka ya Botshelo.'

Jaanong buka e e ko kae? Luka 10:17-24,

*"Jaanong ba ba masome bosupa ba ne ba boa ba itumetse , ba re, Morena, matimone le one a ne a re ikobela ka Leina la Gago.*

*Mme a ba raya a re, Ke bonye Satane a wa kwa legodimong jaaka legadima.*

*Bonang, ke le neile thata ya go gata dinoga le diphepeng, le ya go fenyathata yotlhe ya mmaba; mme ga go sepe se se tlaa le tlhokofatsang ka gope.*

*Le fa go ntse jalo, le se ka la ipela ka gore mewa e a l utlwa, mme itumeleng gore maina a lona a kwadilwe kwa magodimong..*

*Mo nakong eo a ipela thata ka Mowa o o Boitshupo, mme a re, Ke a go leboga, Rara, Morena wa legodimo le lefatshe, ka o fitlhetse ba ba botlhale le ba ba tlhologanyang dilo tse, mme wa di senolela masea: le fa go ntse jalo, Rara; gonne go kgathisa mo matlhong a gago.*

*Dilo tsoatlhe ke di neilwe Ke Rre: mme ga go ope yo o itseng gore Morwa ke mang fa e se Rara: le gone ga go ope yo o itseng gore Rara ke mang fa e se Morwa, le yo Morwa a ratang go mo Mo senolela.*

*Mme A retologela kwa barutweng ba Gagwe, A ba raya mo sephiring A re, Go sego matlho a a bonang dilo tse le di bonang:*

*Gonne ke lo raya ke re baporofeti ba le bantsi le dikgosi ba ne ba eletsa go bona dilo tse le di bonang, mme na ne ba seka ba di bona; le go utlwa tse dilo tse ledi utlwang, mme ga ba a ka ba di utlwa."*

Buka ya Botshelo tota e kwa legodimong, mme e tla tlhaga ka nako ya katlholo e kgolo ya Setulo sa Bogosi se Sesweu. Mo ditemaneng tse Jesu o ne a re MAINA a bone a kwadilwe kwa legodimong. Ba ne ba kwadilwe mo Bukeng ya Botshelo, ka gonne ke koo maina a bone a neng a bewa gone. Jesu o ne a bua le ba ba masome a supa (mo temana 17), mme gape O ne a bua le ba ba lesome le bobedi (mo temana 23). Botlhe ba ne ba itumetse ka gonne matimona a ne a ba ikobela ka Leina la ga Jesu. Karabo ya ga Keresete e ne e le gore, "Le se ka la itumelela gore mewa e a le ikobela, mme bogolo itumelelang gore maina a lona a kwadilwe kwa legodimong (Buka ya Botshelo)." O tla lemoga fa gore Judase e ne e le mongwe wa ba ba neng ba kgameletsa matimone kwa ntle ka Leina la ga Jesu, mme re itse gore e ne e le diabololo, morwa tshenyego.

Johane 6:70-71,

*"Jesu a ba fetola a re, A ga ke a lo itshenkela, lona ba ba lesome le bobedi, mme mongwe wa lona ke diabololo? O ne a bua ka ga Jutase Isekariote morwa Simone: gonne e ne e le e ne yo o neng a tsile go mo tsietsa, e le mongwe wa ba esome le bobedi."*

Johane 17:12,

*"Fa ke ne ke sa ntse ke nna nabo ko lefatsheng, ke ne ka ba tshageditse ka Leina la Gago: Bao ba O ba mphileng Ke ba tshageditse, mme ga go ope wa bone yo o latlhegileng, mme morwa wa tatlhego:gore Lefoko le diragale."*

Johane 13:10-11, 18,

*"Jesu a mo raya a re, Yo o tlhapileng ga a tlhoke go tlhapa fa e se a tlhapa dinao fela, mme o phepa gotlhe fela; mme le phepa mme eseng lotlhe."*

*Gonne o ne a itse yo o tla mo okang ka tsietsa gore a mo rekise; ke ka moo a neng a re, Ga le phepa lotlhe."*

*Ga ke bue ka ga lona lotlhe: ke itse ba ke ba tlhophileng: mme Lekwalo le tshwanetse go diragadiwa le le reng, yo o jang senkgwe le Nna ke e ne mompolai."*

Jaanong fa e le gore puo e raya sengwe, re tshwanetse go dumela gore Judase o ne a tlhophiwa ke Jesu (mo go Johane 13:18), mme o ne a se phepa a sa itsheka. (Johane 13:10-11), Judase le ene o ne a filwe Jesu ke Rara. Johane 17:12. (A re ele tlhoko fa gore go "tlhophi" le go "fiwa" ke selo se se tshwanang fela jaaka mo setshwantshong sa ga Moshe le Faro, Jakobe le Esau, ka gonne le mororo Esau le Faro ba ne ba itsiwe go sa le gale, ba ne ba laoletswe kgalefo, fa bokhutlo ja ga Moshe le Jakobe e ne e le kgalalelo. I Petere 2:8-9a e supa ba ba bosula le ba ba kgethlilweng le ba ba kgopisegang ka ntlha ya Lefoko, ka ba sena boikokobetso: eo ba neng ba e abetswe, Mme lona le lesika le le tlhophilweng.") Judase o ne a balwa le ba ba lesome le bobedi mme tota o ne a nna le seabe le bone mo bodireding pele ga Pentekosete.

Ditiro 1:16-17,

*"Bo Rre le bakaulengwe, go ne go tshwanela gore Lekwalo le diragadiwe, le Mowa o o Boitshepo o buileng ka lone ka gale o dirisa molomo wa ga Dafite, wa bua ka ga Jutase, yo e neng e le mogogi wa ba ba tshwereng Jesu."*

*Gonne o ne a badilwe le rona, mme a o ne a nna le karolo mo bodireding jo."*

Karolo e Judase a neng a e bona mo barutweng ba ba lesome le bobedi mme a bo a e latlhegelwa e ne e se ya maemo a a kwa tlase ga a ba bangwe ba ba lesome le bongwe, e bile e ne e se bodiredi jo bo neng bo sukunyeditse fela bo sa tlwaelesega mo madireding a ba bangwe.

Ditiro 1:25,

*"Gore a tsee karolo mo bodireding le mo boapostolong, fa Jutase a neng a tlola molao mme a wa, gore a kgone go ya kwa lefelong la gagwe."*

Judase, yo eleng diabololo, o ne a latlhegelwa ke bodiredi ja Mowa o o Boitshepo, jo a neng a bo neilwe ke Modimo, mme a ipolaya MME A YA KWA LEFELONG LA GAGWE. Leina la gagwe le ne le le mo Bukeng ya Botshelo. Mme leina la gagwe le ne la phimolwa.

Jaanong pele ga re tswelela ka kgang e ya ga Judase, a re boeleng kwa Tesetamenteng e Kgologolo mme re bone gore Modimo o ne a dira selo se se tshwanang kae. Mo go Genesise 35:23-26, palo ya bomorwa Jakobe e ne e le lesome le bobedi mme maina a bone e ne e le a a latelang: Rubene, Simeone, Lefi, Juda, Isakare le Sebulone; Josefa le Benjamine; Dana le Nafetali; Gada le Ashera. Ditlogolwana tsa bomorwa ba ba lesome le bobedi ba di ne tsa nna ditso tse di lesome le bobedi tsa Iseraele kwantle ga gore Josefa o ne a se na letso le le neng le bidiwa ka leina la gagwe, ka gonne Modimo o ne a ikaletse gore go nne le ditso di le lesome le boraro, mme bomorwa Josefa ba babedi ba ne ba nwa tshiamelo ya go dira gore palo ya ditso tse di lesome le bobedi e nne lesome le boraro. Le a itse, ke boammaaruri, gore se se ne se tlhokega ka gonne Lefi o ne a tlhaotswe gore a direle Modimo mo ofising ya boperesita. Ka jalo fa Baiseraele ba ne ba tswa kwa Egepeto mme Modimo a ba naya motlaagana kwa nageng, re fitlhela letso la ga Lefi le direla matso a a lesome le bobedi a a bidiwang Rubene, Simeone, Isakara, Juda, Sebulone, Benjamine, Dana, Nafetali, Gada, Ashera, Eferaima le Manase. Go ya ka tatelano ya ba ba neng ba le gone, ba bidiwa jalo mo go Dipalo 10:11-28. Ga go na gope fa go umakilweng Josefa kana Lefi. Mme fa re leba Tshenolo 7:4-8, fa e buang gore "go ne ga tshwaiwa ba le dikete di le lekgolo le masome a mane le bone ba matso TSOTLHE a bomorwa Iseraele", e ba bitsa jaana: Juda, Rubene, Gada, Ashera, Nafetali, Manase, Simeone, Lefi, Isakara, Sebulone, Josefa, Benjamine. Re boela gape kwa merafeng e e lesome le bobedi ka Levi le Josefa ba ba umakiwang mo go tsone, mme go tlhela Dane le Eferaima.



Jaanong go tsoga potso e e reng, Ke ka ntlha yang fa ditso tse tse pedi di tlositswe? Karabo e fitlhelwa mo go Duteronomie 29:16-20,

*"Gonne le itse ka fa re neng re nna ka teng mo lefatsheng la Egepeto le ka fa re neng ra ralala merafe ka teng;*

*Mme le bone medingwana ya bone e e makgapha le medimo ya disetwa ya legong le ya matlapa le ya selefera le ya gouta e e neng e le mo go bone:*

*A go se ka ga nna le monna ope mo go lona, le fa e le mosadi ope, le fa e le lelapa lepe, le fa e le letso lengwe, yo pelo ya gagwe e fapogang gompiano mo Moreneng, Modimo wa rona, go ya go direla medimo ya merafe eo. Go se ka ga nnang le pelo e e bosula e e tla jalang bogalaka magareng ga lona.*

*Mme e rile a utlwa mafoko a phutso e, a itshegofatse mo pelong ya gagwe, a re, 'Ke tlaa nna le kagiso, le fa ke tsamaya mo dikakanyong tsa dikeletso tsa yame, go senya mo go longola le mo go omeletseng:*

*Morena ga a ketla a mo itshwarela, mme foo bogale ja ga Morena, le lefufa la Gagwe, di tlaa kuela motho yoo mosi; le phutso yotlhe e e kwadilweng mo lekwalong le, e tlaa mo wela godimo, mme Jehofa o tlaa phimolela ruri leina la gagwe fa tlase ga legodimo."*

Fa go buiwa ka phutso kgatthanong le kobamelo ya medimo ya disetwa, kana kgokafalo ya semowa. Letso le le neng la simolola go obamela medingwana leina la lone le ne le tla phimolwa mo matsong amangwe a Iseraele. Mme ditso tsa matso a a mabedi a maina a one a neng a phimolwa ka ntlha ya kobamelo ya medingwana e fitlhelwa mo go 1 Dikgosi 12:25-30,

*"Jerobeame o ne a aga motse wa Shekeme mo dithabeng tsa Eferaima, a nna mo go yone; mme a tswa aya go aga Penuele.*

*Mme Jerobeame a akanya mo pelong ya gagwe a re Jaanong bogosi bo tla boela kwa lapeng la ga Dafita:*

*Fa batho ba ka palamela kwa Jerusalema go ya go dira ditlhabelo mo Ntlong ya Morena, dipelo tsa bone di tla boela kwa moreneng wa bone, kwa go Rehabeame kgosi ya Juta, mme ba tla mpolaya, ba boela kwa go Rehabeame kgosi ya Juta.*

*Ya re kgosi e sena go tsaya kgakololo ya pelo ya gagwe, a dira dinamane di le pedi tsa gouta, a raya batho a re, go bokete thata mo go lona go nna le palamela ko Jerusalema, Oo Baiseraele, medimo ya lona ke e, e e lo ntshitseng kwa lefatsheng la Egepeto.*

*Mme a baya nngwe kwa Bethela, e nngwe a e baya kwa Dane. Mme selo se sa nna boleo, gonne batho ba ne ba ya go obamela fa pele ga modimo o le mongwe fela, go fitlha kwa Dane."*

Hosea 4:17,

*Eferaima o ikgolagantse le medimo ya gagwe ya disetwa: Mo tlogele.*

Ela tlhoko gore kotlhao ya kobamelo ya medingwana e ne e le gore leina la letso leo le ne le tshwanetse go phimolwa 'mo tlase ga legodimo.' Dutetonome 29:20. Ga e re a tla phimolwa 'kwa legodimong,' mme a tla phimolwa kafa tlase ga legodimo. Mme go ntse fela jalo, ka gonne jaanong Iseraele o boetse kwa Palesetina, mme go ise go ye kae Morena o tla kanela ba ba 144 000 ba bone. Mme mo palong eo, ga go na letso la Dana le Eferaima ga a yo.

Tshenolo 7:4-8,

*"Mme ka utlwa palo ya bone ba ba kanetseng; mme ba ne ba kanetswe ba le dikete tse di makgolo a le masome mane le botlhanu (144 000), e le ba letso lengwe le lengwe la bana ba Iseraele.*

*Mo go ba letso la ga Juta go ne ga kanelwa ba le dikete di le lesome le bobedi (12 000). Mo go ba letso la ga Rubene go ne go kanetswe ba le dikete tse di lesome le bobedi (12 000). Mo go ba letso la ga Gade, go ne go kanetswe ba le dikete tse di lesome le bobedi (12 000).*

*Go tswa mo letsong la ga Ashera, go ne go kanetswe ba le diketse tse di lesome le bobedi. Mogo ba letso la ga Nefethalime go ne go kanetswe ba le diketse tse di lesome le bobedi (12 000). go tswa mo letsong la ga Manase go ne go kanetswe ba le dikete di le lesome le bobedi.*

*Mo go ba letso la ga Simeone go ne go kanetswe ba le dikete tse di lesome le bobedi (12 000). Mo go ba letso la ga Lefi go ne go kanetswe ba le diketse dile lesome le bobedi (12 000); Go tswa mo letsong la ga Isakare go ne ga kanelwa ba le dikete di le lesome le bobedi.*

*Mo go ba letso la ga Sebulone go ne go kanetswe ba le diketse tse di lesome le bobedi (12 000). Mo go ba letso la ga Josefa go ne go kanetswe ba le dikete dile lesome le bobedi (12 000). Mo go ba letso la ga Benyamene go ne go kanetswe ba le dikete tse di lesome le bobedi (12 000)."*

(Ela tlhoko, Dan le Ephraim ga ba yo).

Jaanong bona Daniele 12:1 e e buang ka ba ba dikete di le lekgolo le masome a mane le bone ba ba kanetsweng ka nako ya go kanelwa ka nako ya sekano sa borataro le ka nako ya Pitlagano e Kgolo kana ka nako ya matshwenyego a ga Jakobe.

*"Ka nako eo go tla tsoga Mikaele, kgosana e kgolo e e emetseng morafe wa ga eno. Go tla nna motlha wa pitlagano o o iseng o ke o nne fa e sale morafe o nna teng go fitlha mo metlheng eo. Mme ka nako eo morafe wa ga eno o tla falola, mongwe le mongwe YO O GO TLA FITLHELWANG LEINA LA GAGWE LE KWADILWE MO LEKWALONG."*

Lefa go ntse jalo, morago ga nako e ya pitlagano, (ka nako ya mileniamo,) jaaka go supilwe mo go Esekiele 48:1-8, le 22-29 re bona matso a boela gape mo tatelanong ya Modimo. Mme, go tloga ka nako e Eferaim le Dana ba ne ba simola go obamela medingwana ya disetwa, ba ne ba swa, mme matso ao ga a tlhole a itsege. Jaanong ke lemoga gore fa e sa le Jerusalema e sengwa, dikgatiso tsotlhe tsa matso otlhe a nyeletse, mo e leng gore ga go na ope yo o ka itseng gore ke wa letso lefe, MME MODIMO O A ITSE. Modimo o mogolo yoo o busetsang Iseraele kwa Palesetina o itse sentle gore Moiseralele mongwe le mongwe wa boammaaruri o tswa mo letsong lefe, mme mo go botlhe ba ba neng ba phuthegile ba ba dikete di le lekgolo le masome a mane le bone ba ba tswang mo go Dana le Eferaim ba tla bo ba tlhela.

Matso a ke a Iseraele. Esekiele 48:1-8 le 22-29,

*"Jaanong a ke maina a merafe. Go tswa kwa ntlheng ya bokone go ya kwa letshitshing la tsela e e yang kwa Hetelone, fa o ya kwa Hamathe, go ya kwa Hasarenane, molelwane wa Damaseko, kwa bokone, go ya kwa letshitshing la Hamathe; gonne ke one molelwane wa gagwe wa botlhabatsatsi le wa bophirimatsatsi. Karolo ya ga Dane.*

*Go tswa kwa ntlheng ya botlhabatsatsi go ya kwa ntlheng ya bophirimatsatsi, go bapa le molelwane wa ga Dane, go tla nna karolo e le nngwe ya ga Asere.*

*Mme go tswa kwa ntlheng ya botlhabatsatsi go ya kwa ntlheng ya bophirimatsatsi, go bapa le molelwane wa ga Asere, go tla nna karolo e le nngwe ya Nafetali.*

*Go tswa kwa ntlheng ya botlhabatsatsi go ya kwa ntlheng ya bophirimatsatsi, go bapa le molelwane wa Nafetali, ke karolo ya ga Manase.*

*Mme go bapa le molelwane wa ga Manase, go tswa kwa ntlheng ya botlhabatsatsi go ya kwa ntlheng ya bophirimatsatsi, ke karolo ya ga Ephraim.*

*Mme go bapa le molelwane wa ga Eferaim, go tswa kwa ntlheng ya botlhabatsatsi go ya kwa ntlheng ya bophirimatsatsi, ke karolo ya ga Rubene.*

*Mme go bapa le molelwane wa ga Rubene, go tswa kwa ntlheng ya botlhabatsatsi go ya kwa ntlheng ya bophirimatsatsi, ke karolo ya ga Juda.*

*Mme go bapa le molelwane wa ga Juta, go tswa kwa ntlheng ya botlhabatsatsi go ya ntlheng ya bophirimatsatsi, jalo le jalo.*

*Mo godimo ga moo go tswa mo bosweng ja Balefi, le mo bosweng ja toropo, mo gare ga boswa ja kgosana, fa gare ga molelwane wa Juta le molelwane wa Benyamene, bo tla nna ja KGOSANA.*

*Merafe e mengwe e tla fiwa karolo e le nngwe, go tswa kwa ntlheng ya botlhabatsatsi go ya kwa ntlheng ya bophirimatsatsi, Bejamene o tla nna le karolo.*

*Mme go bapa le molelwane wa ga Benyamene, go tswa kwa ntlheng ya botlhabatsatsi go ya ntlheng ya bophirimatsatsi, Simeone o tla nna le karolo.*

*Mme go bapa le molelwane wa ga Simeone, go tswa kwa ntlheng ya botlhabatsatsi go ya kwa ntlheng ya bophirimatsatsi, ke karolo ya ga Isakare.*

*Mme go bapa le molelwane wa Isasare, go tswa kwa ntlheng ya botlhabatsatsi go ya ntlheng ya bophirimatsatsi, ke karolo ya ga Sebulone.*

*Mme go bapa le molelwane wa ga Sebulone, go tswa kwa ntlheng ya botlhabatsatsi go ya kwa ntlheng ya bophirimatsatsi, ke karolo ya ga Gade.*

*Mme go bapa le mo molelwane wa ga Gade, mo ntlheng ya borwa go ya kwa borwa, jalo le jalo."*

Sekai se sengwe se re ka se dirisang ke kgang ya fa Baiseraele ba ne ba tswa kwa Egepeto ba ya kwa lefatsheng la Kanana. Maikaelelo a Modimo mo pakeng e e ne e le go NTSHA Iseraele, le go ba tsenya MO TENG, gore kwa bofelelong ba te ba mo direle. Ka jalo e rile ba tswa kwa Egepeto BOTLHE ba ne ba tswa ka madi a kwanyana ya setlhabelo; BOTLHE ba ne ba tsena mo metsing a kolobetso mo Lewatleng le Lehibidu; BOTLHE ba ne ba itumelela dikgakgamatso tse dikgolo; BOTLHE ba ne ba ja mana; BOTLHE ba ne ba nwa mo lefikeng; mme fa go tla mo masegong le mo ditshupong tse di bonalang tsa kafa ntle BOTLHE ba ne ba nna le seabe ka tsela e e tshwanang. Mme, fa ba fitlha kwa Moabe, botlhe ba ba neng ba kopanela mo moletlong wa ga Baale wa Peore ba ne ba swa. Ditopo tsa bone di ne tsa wela mo nageng, ka gonne e ne e le koo ba neng ba gana Lefoko la Modimo teng ba le fetogela. Jaanong se ke sone se Bahebera 6:1-9 e buang ka sone, se se neng sa tlhalosiwa ka kelotlhoko thata mo Pakeng wa Peregamo. Ga o ka ke wa dumalana le karolo e le nngwe fela ya Lefoko, o tshwanetse go tsaya Lefoko LOTLHE. Go na le batho ba go lebegang ba kgatlhegela dilo tsa Modimo ka selekano sa diphesente tse di lesome. Ba tshwana le Judase. Ga go na ope yo o neng a itse go re Jufase e ne e le motho yo o mokgwa o o ntseng jang fa e se Jesu fela. Ka jalo go ne ga tla letsatsi le Judase a neng a dira fela jaaka Baiseraele ba ne ba dirile kwa Baale-Peore. O ne a tsaya tshwetso ya go batla go ikgolaganya le makoko a mofine wa maaka—go tsena mo go tsa tsamaiso ya madi, le lekoko a sepolotiki la bodumedi jo bo kgatlhanong le Lefoko, ja boganetsi ja ga Keresete mme o ne a dira jalo. O ne a tsiediwa! Ba bangwe ba ba lesome le bongwe ba ne ba se jalo. Ba ne ba ka se ka ba nna jalo, ka gonne e ne e le ba ba tlhophilweng. Ka jalo fa Judase a ne a tsamaya mme a oka Morena, leina la gagwe le ne la phimolwa mo Bukeng ya Botshelo. (Tshenolo 22:19).

Jaanong ke tlhomamisa gore le lemogile gore bao maina a bone a neng a kwadilwe mo Bukeng ya Botshelo e ne e le karolo ya setlhopha sa bodumedi sa paka eo se se neng se dikologilwe ke Modimo wa boammaaruri le go mo obamela, le mororo ba ne ba sa obamele go ya ka Boammaaruri (Lefoko). Fela jaaka Judase, ga ba a ka ba tshwarelela go fitlha kwa bokhutlong. Bona gore Modimo o ne a tlhopha Judase jang. O ne a rutiwa boammaaruri. O ne a ba bolelela ka masaitseweng. O ne a neelwe bodiredi jo bo nang le maatla a go fodisa balwetse le go koba matimona Leina la ga Jeso. Mme e rile nako ya makgaola kgang e fitlha, o ne a ithekisa ka gouta le maatla a bopolotiki. O ne a se ka a ya kwa Pentekosete go ya go amogela Mowa wa Modimo. O ne a se na Mowa. O se ka wa dira phoso ka gone, motho yoo kolobeditsweng ka Mowa o o Boitshepo ka boammaaruri, yo o kolobeditsweng mo mmeleng wa ga Keresete a amogetse Moya o o Boitshepo ka botlalo o tla nna mo LEFOKONG KA NAKO TSOTLHE. Seo ke bosupi ja go kolobediwa ka Mowa o o Boitshepo. Judase o ne a palelwa. Bontsi ja bone bo a palelwa. Mme fa ba palelwa ke go tswelela ba tshegeditse mo Lefokong leo, maina a bone a tla phimolwa mo Bukeng ya Botshelo.

Gore re tle re kgone go tlhologanya botoka kgang e ya go phimolwa ga leina mo Bukeng ya Botshelo re tshwanetse go akanya ka Baiseraele ba nako ya malatsi a ga Moshe.

Ekesodo 32:30-34,

*"Mme go ne ga diragala gore mo mosong, Moše a raya batho a re, Le leofile boleo jo bogolo: mme jaanong ke tla tlhatlogela kwa godimo ko go Morena; gongwe ke ka direla boleo ja lona tetlanyo.*

*Mme Moše a boela kwa Moreneng, mme a re Oo batho ba ba leofile sebe se segolo, gape ba itiretse medimo ya gouta.*

Mme jaanong, fa o ka ba itshwarela dibe tsa bone—; mme fa go sa nna jalo, Ke a Go rapela, mphimole mo Lekwalong la Gago le O le kwadileng.\*

*Mme Morena a raya Moše a re, ope fela yo o nteofetseng ke ene yo ke tla mo phimolang mo Lekwalong Lame.*

*Jaanong tsamaya, o ise morafe kwa lefelong le ke buileng ka lone le wena: bona Moengele Wame o tla go etelelapele: le fa go ntse jalo ka letsatsi le ke tla ba sekisang ka lone, ke ba sekise ka ntlha ya boleo jwa bone."*

Go supagala sentle gore maina a setse, gape a tla a phimolwa mo Bukeng ya Botshelo pele ga nako e fela. Mo lefelong leno e ne e le ka ntlha ya kobamelo ya medimo ya disetwa, fela jaaka fa Dana le Eferaima ba ne ba latlhelwa ke ditshwanelo tsa bone jaaka matso ka ntlha ya go obamela dinamane

tsa gouta. Batho botlhe ba ba neng ba obamela medingwana ya disetwa maina a bone ane a phimolwamo Bukeng ya Botshelo.

Fa Baiseraele ba ne ba ganana le ketelelopele ya Modimo ka pilara ya molelo, mme ba simolola go obamela dinamane tsa gouta maina a bone a ne a phimolwa mo Bukeng ya Botshelo. Ekesodo 32:33. (*Ope fela yo o nteofetseng, ke tla phimola leina la gagwe mo Bukeng Yame.*) Fa e le gore go retologela ko medimong ya disetwa gone go tla dira gore maina a bone a phimolwe mo ya Botshelo, go raya ruri gore Iseraele ga e ne ya gana go dumela gore Jesu Keresete ke Mesia go ne go tla dira gore ba otlhaiwe setlhogo fela jalo. Go ntse fela jalo.

Mo go Pesalema 69 e e buang ka go tlontlololwa ga ga Jesu, e bolela jaana mo ditemaneng tsa 21-28,

*"Bane ba nneela santlhokwe go nna sejo Same; le mo go nyorweng Game ba ne ba nneela vinegar e e botšarara gore ke nwe.*

*A tafole e ba jelang mo go yone e nne serai mo go bone; a se se tshwanetseng go nna boitekanelo mo go bone a e nne seru.*

*A matlho a bone a fifatswe, gore ba seka ba bona; mme o dire gore matheka abone a nne ka thoromo.*

*Tshololela bogale ja Gago mo go bone mme ba apese ka tshakgalo ya bogale ja Gago.*

*A boago ja bone bo nne lesu; mme go sena ope yo o agang mo megopeng ya bone.*

*Gonne ba bogisa Ene Yo o mo iteileng; ba bua ka bohutsana ja ba o ba tlhokofaditseng.*

*Oketsa boikepo ja bone ka boikepo, mme o seka wa ba letelele go tla mo tshiamong ya Gago.*

*A maina a bone a phimolwe mo Lokwalong la ba ba Ttshedileng, mme ba seka ba kwalwa le basiami."*

Fa Bajuda ba ne ba gana Jesu go ne Modimo o ne a retologa a leba gosele kwa Baditšhabeng.

Ditiro 13:46-48,

*"Go tsa foo Paulo le Baranaba ba bua ka bopelokgale mme ba re: go ne go tshwanetse gore Lefoko la Modimo le rerelwe lona pele; mme e re ka le le gana, le ikatlhola gore ga le a tshwanelwa ke botshelo jo bo sa khutleng, bonang, re retologela kwa baheitaneng.*

*Gonne Morena o re laetse jaana a re: Ke go dirile lesedi la Baditšhaba, gore o nne poloko go yaa kwa bokhutlong tsa lefatshe.*

*Mme e rile Baditšhaba ba utlwa jalo, ba ne ba itumela, ba galaletsa Lefoko la Morena: mme botlhe ba ba neng ba tlhomilwe go go nnale botshelo jo bo sa khutleng ba dumela."*

Se ga se reye gore ga go kitla go tlhola go nna le maina a matso a Iseraele a a tla salang mo Bukeng ya Botshelo, ka gonne bontsi ja ba (mme e seng boidiidi) ka molao wa go tlhophiwa ba tla bo ba le mo motlheng wa kereke ya Baditšhaba mme ba tla nna karolo ya mmele wa ga Jesu Keresete, ba supa gore maina a bone a ne a nna mo Bukeng ya Botshelo. Gape, jaaka re tla supa, go ya ka sekano sa botlhanu bontsi ja Bajuda ba ba neng ba baswela tumelo ya bone ba tla fiwa diaparo tse ditshweu le botshelo jo bo sa khutleng ke Morena. Gape ba ba dikete di le lekgolo le masome a mane le bone ba tla kanelwa fa A tla, go supa gore maina a bone le one ga a a phimolwa. Mme lefa go ntse jalo, jaaka go tlhalosiwa ka tlhomamo mo go Pesalema 69 ke baikepi kana basiamolodi ba ba ganang Keresete le ba ba senyang batho ba Gagwe ba maina a bone a tloswang.

Fela jaaka Baiseraele (batho ba kgetlhweng ke Modimo) ba le bantsi ba ile ba latlhelwa ke ditshwanelo tsa bone mo Bukeng ya Botshelo ka go gana Jesu, jalo le bontsi ja kereke ya Baditšhaba bo tla atlhola ka go tloswa ga maina a bone mo Bukeng ya Botshelo ka go gana Lefoko mme ka go dira jalo ba tsena mo mokgatlong wa lefatshe wa makokoa dikereke oo e leng setshwantsho sa sebatana.

Ntlha e nngwe gape ee tshwanelwang ke go elwa tlhoko ke eo. Mo katlholong e kgolo ya Setulo sa Bogosi se Sesweu batho ba tsile go kgaogangwa. Go tla bulwa Buka ya Botshelo gape go tla bulwa bula e nngwe.

Mathaio 25:31-46,

*"Fa Morwa Motho a tla ka kgalalelo ya gagwe, A na le baengele botlhe le ba ba boitshepo, foo O tlaa nna mo setulong sa Gagwe sa bogosi sa kgalalelo:*

*Mme merahe yotlhe e tla phutthaganela fa pele ga Gagwe; mme o tla ba kgaoganya gotswa mo go e mengwe, jaaka modisa a kgaoganya dinku le dipodi:*

*Mme o tla tlhaolela dinku ka fa seatleng sa Gagwe sa moja, mme dipodi ka fa molemeng wa Gagwe..*

*Go tswa foo Kgosi e tlaa raya ba ba ka fa letsogong la moja e re, Tlang, lona ba le segofaditsweng ke Rre, mme le rue bogosi jo le bo baakanyeditsweng go tswa tlhologong ya lefatshe:*

*Gonne ke ne ke tshwerwe ke tlala, mme le ne la mpha dijo; ke ne ke nyorilwe, la ntshiela metsi; ke ne ke le moeng, la nkamogela:*

*Ke ne ke sa apara mme le ne la nkapesa: ke ne ke lwala mme la nketlela go ntekola: ke ne ke le mo kgolegolong mme la tla kwa go nna.*

*Mme foo basiami ba tlaa Mo araba ba re, Morena, re Go bonye leng O tshwerwe ke tlala, mme ra Go jesa? O ne nyorilwe mme ra go siela metsi:*

*Re Go bonye leng o le moeng, ra go tshola? Kana o sa apara, mme ra go apesa?*

*Kana re go bonye leng O lwala, kana o le mo kgolegolong, mme ra bo re Go etela?*

*Mme Kgosi o tla ba araba a re, Ammaaruri, ke le raya ke re, E re ka le diretse mongwe wa bomorwarre ba, ba ba botlana ba, le di diretse nna.*

*Morago ga moo o tlaa raya ba ba ka fa letsogong la molema a re, Tlogang fa go Nna, lona ba le hutsitsweng, le ye kwa molelong wa bosakhutleng, o o baakanyeditsweng diabololo le baengele ba gagwe:*

*Gonne Ke ne Ke tshwerwe ke tlala, mme ga le a ka la mpha dijo: ke ne ke nyorilwe, mme ga le a ka la ntshiela gore ke nwe:*

*Ke ne Ke le moeng, mme ga le a ka laa nkamogela; Ke ne Ke sa apara, mme ga le a ka la nkapesa; Ke ne Ke lwala, Ke le mo ntlong ya kgolegelo, mme ga le a ka laa tla go Nthola:*

*Foo le bone ba tlaa Mo araba ba re: Morena, re Go bonye leng O tshwerwe ke tlala, kana O nyorilwe, kana O le moeng, kana O sa apara, kana O lwala, kana O le mo ntlong ya kgolegelo, mme ra se ka ra go direla?*

*Foo O tlaa ba araba A re, Ammaaruri Ke a le raya, fa le ne le sa direle mongwe wa ba babotlana ba, le ne le sa Ntirele.*

*Mme ba tla tloga ba ya kwa petsong e e sa khutleng, mme basiami kwa botshelong jo bo sa khutleng."*

Tshenolo 20:11-15,

*"Mme ka bona setulo sa bogosi se segolo se sesweu, le yo o kotameng mo go sone, yo lefatshe le legodimo di tshabileng fa pele ga gagwe, mme ga di a ka tsa bonelwa bonno.*

*Mme ka bona baswi, ba bannye le ba bagolo, ba eme fa pele ga Modimo; mme dibuka tsa bulwa: gape ga bulwa buka e nngwe, e eleng Buka ya Botshelo: mme baswi ba atholwa go ya ka dilo tse di kwadilweng mo dibukeng go ya ka ditiro tsa bone,*

*Mme lewatle la ntsha baswi ba ba neng ba le mo go lone: le lesa le bobipo tsa golola di ntsha baswi ba ba mo go tsone: mme ba atholwa mongwe le mongwe go ya ka ditiro tsa bone.*

*Mme lesa le bobipo tsa latlhelwa mo bodibeng ja molelo. Le ke lesa la bobedi.*

*Mme opefela yo go sa fitlhelweng leina la gagwe le kwadilwe mo Bukeng ya Botshelo, o ne a latlhelwa mo letsheng la molelo."*

Go tla nna le basiami le ba ba sa siamang mo katlholong e. E bua jalo. BASIAMI BA GA BA KITLA BA NNA MONYADIWA KA GONNE MONYADIWA O TLA ATLHOLA LE ENE MO KATLHOLONG .

I Bakorintha 6:2-3,

*"A ga le itse gore baitshepi ba tlaa athola lefatshe? mme fa e le gore lefatshe le tla atholwa ke lona, a ga le a tshwanela go athola dikgang tse dinnye?*

*A ga le itse gore re tla athola baengele? jaanong fa e le dilo tse dintsi tse di amanang le*

*botshelo jo tsone?"*

Tshenolo 3:21,

*"Yo o fenyang Ke tlaa mo naya go nna le Nna mo setulong Same sa bogosi, fela jaaka le Nna Ke fentse, mme Ke ntse le Rre mo setulong sa Gagwe sa bogosi."*

Bona, monyadiwa o na le Ene mo setulong sa gagwe sa bogosi.. E re ka a (monyadiwa) tllile go athola lefatshe, o tshwanetse go nna mo katlholong le Ene. Ke sone se Daniele a neng a se bona.

Daniele 7:9-10,

*"Ke ne ka lebelela go fitlhelela ditilo tsa bogosi di digelwa fa fatshe, mme Mogologolo wa Malatsi a kotame, Yo diaparo tsa gagwe di neng di le ditshweu jaaka kapoko, mme moriri wa tlhogo ya gagwe o ne o tshwana le boboa jo bo phepa. Setilo sa Gagwe sa bogosi se ne se tshwana le kgabo ya molelo, mme maotwana a sone a tshwana le molelo o o tukang."*

*Gotswa fa pele ga Gagwe go ne go elela noka ya molelo: O ne A direlwa ke dikete di le sekete, le dikete di le lesome di eme fa pele ga Gagwe: Tshoko ya simolola, le dibuka tsa bulwa."*

Le a bona, ke tiragalo e e tshwanang, gonne diketekete tsa diketekete tse di mo direlang ke monyadiwa, gonne ke mang yo o direlang monna fa e se mosadi wa gagwe?

Jaanong go tsoga potso e, Ke ka ntlha ya eng fa basiami ba ba atholwa? Ga go na lefelo le lengwe gape le ba ka tlhatlogelang kwa go lone, ka gonne go na le tsogo tse pedi fela mme e re ka ba ne ba ka se ka ba laolelwa tsogo ya ntlha ba tshwanetse go tlhatloga mo go ya bobedi e e leng tsogo ya katlholo. Ba ba tshwanelwang ke tsogo ya ntlha (ba ba tla tsosiwang mo baswing) ga ba kitla ba atholwa. Johane 5:24, *"Ammaaruri, ammaaruri ke le raya ke re, Yo o utlwang Lefoko Lame, mme ba bo ba dumela mo go Ene Yo o nthomileng, o na le botshelo jo bo sa khutleng (go raya gore, yo o dumelang o setse a amogetse botshelo jo bo sa khutleng jo a nang najo jaanong), mme ga a kitla a tla mo katlholong (ga a kitla a tla mo katlholong, ke se tota e se buang), mme o fetile (ka bosakhutleng) mo lesong a tsena mo botshelong."* Mme ela tlhoko gore, Jesu o tshwanetse a bo a ne a akantse ka setlhopho se sengwe gape se se tla amogelang botshelo jo bo sa khutleng mo tsogong nngwe. Ba tla bo amogela ka nako ya fa ba tsosiwa, E SENG KA GO BO BA NE BA BO AMOGETSE PELE E LE MALOKO A MONYADIWA.

Johane 5:28-29,

*"Le seka la gakgamadiwa ke se, ka gore nako e etla e mo go yone botlhe ba ba mo mabitleng a kgakologelo ba tla utlwang lentswe la Gagwe ka yone,*

*Mme ba tla tswa, ba ba dirileng molemo ba tsogela mo botshelong, mme ba ba dirileng bosula ba tsogela mo katlholong."*

Jaanong rotlhe re a itse gore Johane 5:28-29 GA SE THATOGO ka gore ke baswi ba ba mo go Keresete fela ba ba tla tsosiwang mo mabitleng ka nako eo mmogo le monyadiwa yo o tshelang yo o sa ntseng a le mo lefatsheng.

I Bathesalonia 4:16-17,

*"Gonne Morena ka boEne O tlaa fologa gotswa kwa legodimong ka leshalaba, ka lentswe la moengele yo mogolo, le ka lenaka la Modimo: mme baswi ba ba swetseng mo go Keresete ba tlaa tsoga pele:*

*Morago ga moo rona ba re setseng re sa ntse re tshela re tla tsholeleletswa kwa godimo mmogo le bone mo marung go ya go kopana le Morena; mme jalo re tla nna le Morena ka bosakhutleng."*

Mme e a bua mo go Johane 5:28-29 gore Botlhe ba tla tswa mo lebitleng. E ke yone tsogo e go buiwang ka yone mo go Tshenolo 20:11-15 e mo go yone BASWI ba neng ba tlisiwa fa pele ga Morena mme ba atholwa go ya ka ditiro tsa bone, mme botlhe ba maina a bone a neng a seyo mo Bukeng ya Botshelo ba ne ba latlhelwa mo bodibeng ja molelo.

Jaanong re lebane le potso ya gore ke ka ntlha ya eng fa ba tshwanetse go newa botshelo jo bo sa khutleng ka nako ya katlholo ka gonne go bonala Makwalo a ne a supa ka tlhomamo gore motho o tshwanetse go nna le Moya wa ga Keresete kana a nyelele. Lemororo go lebelega go ntse jalo, ga re a tshwanela go nyatsa mafoko a ga Jesu Yo o supang ka tlhamalalo gore go na le bangwe ba ba fitlhelwang mo Bukeng ya Botshelo ba ba tla amogelang botshelo jo bosakhutleng pele ga tsogo ya botlhe kana morago ga yone.

Paulo ga a tshabe boammaaruri jo ka gonne o bua jaana a tlhamaletse mo go Bafilipi 3:11,

*"E re gongwe ka tsela nngwe ke fitlhelele mo tsogong ya baswi."*

Jaanong polelo e e a gakgamatsa. Rotlhe re a itse gore ROTLHE re tlike go tsosiwa mo baswing go sa kgathalesege gore a re batla go tsosiwa kana ga re bate. Botlhe ba tla tsosiwa. Ka jalo Paulo o ne a ka se ka a re, "Fa e le gore KA TSELA NNGWE nngwe nka fitlhelela tsogo ya baswi." Boammaaruri ke gore, ga a rialo. Fa e balwa ka tsela ya mmatota ke go re, "Fa e le gore ka tsela epe fela nka fitlhelela 'tsogo ya baswi.'" Se ga se go bona tsogo e e akaretsang baswi botlhe ka na ya bobedi, mme go fitlhelela tsogo ya ntlha, e go buiwang jaana ka yone, "Gosego le Boitshepo motho yo o nang le karolo mo tsogong ya ntlha, lesa la bobedi ga le na taolo mo go bone, mme ba tla nna baperesiti ba Modimo le ba ga Keresete mme ba tla busa e le dikgosi le Ene ka dingwaga di le sekete.." Tsogo ya ntlha ga e amane ka gope le lesa la bobedi. Ke kwa bokhutlong ja dingwaga tse di sekete fa BATHO BOTLHE ba ba suleng ba tla bo ba tshela gape. Mme mo letsatsing leo go tla nna le ba ba tla tswang go ya botshelong jo bo sa khutleng le ba bangwe ba ba tla tshwarwang ke lesa la bobedi. Jaanong ga re tlhoke go fopholetsa gore ke bomang ba ba tla tsosiwang mo tsogong ya bobedi. Re bolelelwa gore ba neilwe yone ka gonne ba ne ba le pelonomi e bile ba le molemo mo go "Bakaulengwe". Those who are raised and cast into the lake of fire will be so treated because of their mistreatment of the "Bakaulengwe". Ka se ke Lefoko la Modimo re a le amogela fela mothogo. Ga go na kganetsano epe fa, ke go bua fela boammaaruri.

Gore o tle o tthaloganye se botoka, ela tlhoko mafoko a a mo go Mathaio 25:31-46. Ga e bue gore modisa o kgaoganya dinku le dipodi jaaka go buiwa ka mmatota, mme e bua fela JAAKA modisa a kgaoganya dinku le dipodi. Ba ga se dinku (Ke Katlholo ya Setulo sa Bogosi se Sesweu). Dinku di mo lesakeng la Gagwe, di utlwa lentswe la Gagwe (Lefoko) mme di Mo sala morago. BA NE BA SETSE BA NA LE BOTSHELO JO BO SA KHUTLENG MME GA BA KA KE BA TLA MO KATLHOLONG. Mme ba GA BA NA botshelo jo bo sa khutleng, mme ba mo katlholong. Ba letlelelwa GO TSENA MO botshelong jo bo sa khutleng. Mme ba tsena mo botshelong jo bo sa khutleng ka mabaka afe? E seng ka ntlha ya gore ba setse ba na le botshelo ja Gagwe jaaka monyadiwa, mme ba bo amogela ka gonne ba ne ba le pelonomi mo bakaulengweng ba Gagwe. Ga se bomorwarraagwe: se se ne se tla dira gore ba nne baruaboswammogo le Jesu. GA BA rue sepe fa e se botshelo. Ga ba na go nna le karolo mo setulong sa Gagwe sa bogosi. MAINA A BO NE A TSHWANETSE A BO A KWADILWE MO BUKENG YA BOTSHELO MME A SA PHIMOLWA. Jaanong ka ntlha ya go rata ga bone batho ba Modimo ba a itsiwe mme ba a bolokwa. Kwantle ga pelaelo tse di ne tsa direla le go thusa bana ba Modimo. Gongwe jaaka Nikodemo le Gamaliele ba ne ba emela bana ka nako ya mathata.

Fa e le gore se se utlwala e kete ke go "tsosolosiwa," tlhokomela ka kelotlhoko gone jaanong, gonne baikepi GA BA tsosolosiwe, mme ba fetolwa go nna letsha la molelo. Maina a batho ba le bantsi ba ba neng ba sengwa le one a ne a kwadilwe mo bukeng ya botshelo; mme ba ne ba phimolwa ka gonne ba ne ba palelwa ke go tlotla batho ba Modimo bao e neng e le Lefoko le le tshelang le le bonalang (di-epistle tse di tshelang) mo motlheng wa bone.

Jaanong a re tlhalose sentle. Tse ga se ditšhaba tse di atlholwang gape tsa bo di tsena mo mileniamong ka gore di ne tsa sireleditse gape di ne tsa thusa Bajuda. Seo se bonala sentle jalo go ya ka mafoko a bofelo a ditemana tse. "Mme ba (ebong baikepi) ba tla tloga ba ya ko kotlhaong e e sa khutleng (bodiba ja molelo) , mme basiami ba ya kwa botshelong jo bo sa khutleng." Ga go na pego epe ya dikatlholo tse PEDI tse mo go tsone baikepi ba latlhelwang mo bodibeng ja molelo. Sebatana le moporofeti wa maaka ke bone fela ba ba tla atlholwang kwa bokhutlong ja pitlagano e kgolo. Nnyaa, se ke kotlholo ya Setulo sa Bogosi se Sesweu, mme ba atlholwa go ya ka se se kwadilweng mo dibukeng.

Ke tsogo ya bobedi e mo go yone "ba ba leng ka fa tlase ga sebeso" ba ba tlhalosiwang mo sekanong sa botlhano (Tshenolo 6:9-11) ba newang diaparo tse ditshweu, le botshelo jo bo sa khutleng, go seng jalo diaparo tse ditshweu di tla bo di sena mosola ope.

*"Mme ya re ga a bula sekano sa botlhano, ka bona fa tlase ga sebeso mewa ya ba ba bolailweng ka ntlha ya lefoko la Modimo le ka ntlha ya bosupi jo ba neng ba tshegeditse:*

*Mme ba goa ka lentswe le legolo ba re: Morena, Moitshepi le boammaaruri, go tsile go tsaya sebaka se se kafe gore o atlhole gape o busolosetsa madi a rona mo go bone ba ba agileng mo lefatsheng?*

*Mme mongwe le mongwe wa bone a fiwa diaparo tse ditshweu; mme ba bolelelwa gore ba ikhutse sebakanyana, go tle go tsamae palo ya batlhanka-ka-bone le ya bakaulengwe ba bone e lekana, ba ba tlaa bolawang jaaka bone."*

Jaanong ela tlhoko gore ga go na ope wa ba ba ba neng ba le kafa tlase ga sebeso yo o neng a bolawa ka ntlha ya go neela bosupi ka ga Jesu. Ba ne ba sa tshwane le Antipase yo o neng a bolawa ka ntlha ya go tshegetsatsa Leina la Gagwe. Ba ga se batho ba ba tsetsweng sesha, ba ba nang le botshelo jo bo sa khutleng. Ba tsoga mo tsogong mme ba amogela botshelo ka ntlha ya bopaki ja bone ja Lefokong. Mme ela tlhoko kafa ba goang ba batla go ipusolosetsa ka teng. Ga ba ka ke ba bo palong ya monyadiwa. Monyadiwa o a retologa a fa lethaga le lengwe a re, "Ba itshwarele, Rara, ga ba itse se ba

se dirang." Ba ke Bajuda. Ba tshwanetse go nna jalo ka gore ba mo sekanong sa botlhamo, mme ke mo sekanong sa bone fa monyadiwa wa Moditšhaba o tla bo a setse a tsamaile mo thatogong. Ka jalo Bajuda ba ga ba a tsalwa ka mowa wa Gagwe. Ga ba dumele le gore Jesu ke Mesia. Mme ereka ba ne ba fofaditswe ke Modimo ka ntlha ya Baditšhaba, Modimo o ne wa ba naya botshelo jo bo sa khutleng ka lebaka la gore le mororo ba ne ba sa kgone go tla kwa go Ene, lefa go ntse jalo ba ne ba ikanyega tota mo Lefokong lotlhe leo ba neng ba le itse, mme ba ne ba le swela jaaka bontsi bo ne ja swa ka nako ya ga Hitler, Stalin, jalo le jalo, mme ba santse ba tla swa.

Ke tsogo ya bobedi e mo go yone makgarebane a matlhamo a a dielele a tsogang. Ela tlhoko gore e ne e le makgarebane. Ba ne ba se na Mowa o o Boitshupo ka jalo ba ne ba se ka ba kgona go nna le monyadiwa, fa ba ba tlhamo ba ba botlhale ba ba neng ba na le leokane ba ne ba nna karolo ya monyadiwa yoo. Mme batho ba, ba ne ba le batho ba ba botshelo ja boikgapho, e le batho ba ba ratang Modimo, mme ba leka go tshela Lefoko, go ya ka fa ba le itseng ka teng, le go nna thuso mo tirong ya Morena ba tla tsoga kwa bokhutlong ja metlha. Ba tla se ka ba nna teng ka nako ya melaniamo, mo o ka simololang go e bona ka boammaaruri jo gore e le botlhokwa thata e bile e le molemo go feta kafa re kileng ra akanya kana ra dumela ka teng..

Batho ba botlhamo ba maina a bone a ne a kwadilwe mo Bukeng ya Botshelo mme maina a bone a ne a sala. Mme ke maina a bomang a a neng a se ka a nyelela? Batho ba dikereke tsa bone di nang le tsamaiso ya lefatshe ba ba neng ba lwa le monyadiwa ke bone ba maina a bone a tla tloswang. Ke bone ba ba tla latlhegelwang. Ba tla latlhelwa mo bodibeng ja molelo.

Jaanong a re tseye kgato e nngwe gape, mme pele ga re dira jalo a re sekasekeng kgang ya rona go fitlha jaanong. Sa ntlha re itse ka tlhomamo gore maikaelelo ja Modimo a ikaegile ka go tlhophiwa. O ne a ikaeletse go dira jalo ka bo Ene. E ne e le maikaelelo a Modimo go dira gore go nne le batho ba ba tshwanang le Ene ba e neng e tla nna Monyadiwa wa Lefoko. O ne a tlhophiwa pele ga lefatshe le thaiwa MO GO ENE. O ne a setse a itsiwe e bile a ratiwa pele ga a tsholwa mo lefatsheng mo nakong ya dipaka mo lefatsheng. O ne a rekololwa ka madi a gagwe mme ga a KAKE a atholwa. Ga a kake a atholwa ka gone ga a kake a pegwa molato wa boleo.

Baroma 4:8,

*Go sego motho yo Morena a se kitlang a mo baya molato wa boleo."*

Mme eleruri o tla nna le Ene mo setulong sa gagwe sa bogosi sa katlholo, a athola lefatshe le baengele tota. Leina la gagwe (leloko lengwe le lengwe la gagwe) le ne le kwadilwe mo karolong nngwe ya Buka ya Botshelo ya Kwana pelega motheo wa lefatshe. Sa bobedi, go na le setlhopha se sengwe. Maina a bone le one a kwadilwe mo Bukeng ya Botshelo mme ba tla tsoga mo tsogong ya bobedi. Bao ke makgarebane a dielele le basiami ba go buiwang ka bone mo go Mathaio 25. Mo setlhopheng se gape go na le ba o ba ba sa obameleng sebatana kana ba ba sa tseneng mo tsamaisong ya moganetsakeresete mme ba swa ka ntlha ya tumelo ya bone le mororo ba se mo monyading, ba sa tsalwa sesha. Mme ba tla tsoga mo tsogong ya bobedi mme ba tsene mo botshelong jo bo sa khutleng. Sa boraro, go na le Bakeresete ba ba fela mo melerwaneng ba sa direle Modimo ka botlalo jaaka re bone fa Baiseraele ba ne ba tswa kwa Egepeto. Maina a bone a ne a kwadilwe mo Bukeng ya Botshelo le ditiro tsa bone the di kwadilweng mo dibukeng. Ka gone ba ne ba gana go utlwa Modimo mme ba se na Mowa, le mororo ba ne ba na le ditshupo le dikgakgamatso, maina a bone a tla phimolwa mo Bukeng ya Botshelo. Gareng ga setlhopha se go tla bo go na le bao ba tshwanang le Judase bao le mororo ba senang Moya gotlholele, mme ba le badumedi, ba tla nna le ditshupo mo matshelong a bone, le mororo ba ne ba sa kwalwa jaaka ba ba tlhophilweng MO GO ENE. Batho ba ba tshwanang le Balaame le bone ba tla nna mo setlhopheng seo. Sa bone, gape e le sa bofelo ke ba maina a bone a iseng a kwalwe kana a a iseng a kwalwe mo dibukeng.

Tso di fitlhelwa mo go Tshenolo 13:8 le Tshenolo 17:8,

*"Mme botlhamo ba ba nnang mo lefatsheng ba tla se obamela, ba maina a bone a sa kwalwang mo lokwalong la Botshelo la Kwana e e tlhophilweng go tloga tlhologong ya lefatshe.."*

*Sebatana se o se bonyeng se ne se le teng, mme jaanong ga se tlhole se le teng, mme se tla tlhatloga go tswa mo mosimeng, mme a ba a ya ko tatlhegong: mme ba ba nnang mo lefatsheng, ba maina a bone a sa kwalwang mo Bukeng ya Botshelo go tswa motheong wa lefatshe, ba tla gakgamala, fa ba bona sebatana, se ne se le teng, mme jaanong ga se tlhole se le teng, mme se tla nna teng."*

Jesu o ne a re setlhopha sengwe se ne se tla amogela yo o neng a tla ka leina la gagwe. Yo o ke moganetsakeresete. Mme Tshenolo 13:8 le 17:8 di bua ka bone. Ba ba ne ba tlhomilwe ke Modimo mme ba ne ba sa tlhophiwa. Mme mo setlhopheng se go na le ba ba tshwanang le Faro.



E bua ka ga gagwe,

*"Le gone ke go tsoseditse lone lebaka le. Dijana tsa tšhakgalo tse di lebanweng ke go."*

Baroma 9:17 le 22.

Ga go ope wa bone yo o neng a tla kwalwa mo dikgatisong tsa botshelo. Ga ke re ga go na kgatiso tsa ya bone. Ga gona pelaelo gore go na le mofuta mongwe wa dikgatiso ka ga bone, mme E SENG MO DIKGATISONG TSA BOTSHELO. Lebaka la go nna teng ga bone le setse le umakilwe go sekae mo bukeng e yotlhe mme re ka oketsa ka ditemana tse dingwe gape tse pedi.

Diane 16:4,

*"Morena o diretse baikepi letsatsi le le bosula."*

Jobe 21:30,

*"Baikepi ba beetswe letsatsi la tshenyo, ba tla tlisiwa ka letsatsi la tshakgalo."*

Ka go bo karolo e ya Lefoko e le thata go tlhalogannngwa ke mogopolo wa setho, e tshwanetse go amogelwa le go dumelwa ka tumelo. Bangwe ba tla kgopisiwa ke se ke se buileng ka gonne ba palelwa ke go tlhaloganyana bolaodi ja Modimo jo bo tlhalosang gore MODIMO KE MODIMO, mme ka go bo e le Modimo ga go na ope yo o ka kgoreletsang kgakololo ya Gagwe kana go kgoreletsa thato ya Gagwe le maikaelelo a Gagwe; mme E re ka E le Mothatayotlhe, o busa mo dilong TSOTLHE mme o dira se a se ratang ka dibopiwa tsa Gagwe tshotlhe ka gore dilo tsotlhe di bopetswe go mo itumedisa. *Ka jalo, jaaka Paulo a ne a bua a re, "Fa Modimo o ne o ka tsaya lentse le le lengwe la letsopa mme wa dira selwana se sengwe sa tlotlo le se sengwe se seseng sa tlotlo, ke mang yo o ka kgopisegang le go goa kgatlhanong le Modimo?"* Ga re ka ke ra gana gore o na le tshwanelo ya go dira seno ka ntlha ya lepopo fela. Lefa go ntse jalo O ne a ya tswelela, ka gonne go ya ka Baroma 14:7-9, re na le bosupi jo bo ka se keng ja ganediwa ja gore Jesu o ne a duela tlhwatlhwa ya go reka lefatshe lotlhe, mme ka gone O ka dira jaaka A rata ka ba Gagwe.

*"Gonne ga go ope wa rona yo o itshelelang, mme ga go ope wa rona yo o itshwelang.*

*Gonne le fa re tshela, re tshelela Morena; le fa re swa, re swela mo Moreneng: Ka moo, le fa re tshela, gongwe re swa, re ba Morena.*

*Ka go bo go fitlha ko phelelong e Keresete o ne a swa mme a tsoga, mme a tsososa, gore a nne MORENA WA BASWI LE BATSHEDI."*

(Mong; GA GO buiwe ka kamano fa.)

Se gape se tlhalosiwa mo go Johane 17:2,

*"Fela jaaka o mo neile taolo MO NAMENG YOTLHE, gore a neye botshelo jo bo sa khutleng go bale bantsi bba O ba mo neileng"*

Jaamong, fa re re Modimo o na le kitso yotlhe, gape re tshwanetse go dumela gore O itekanetse ka bothale le tshiamo. Leano le la go tlhophiwa le go nyadiwa ke bothale ja Modimo jo bo senotsweng mo dipakeng tsotlhe, jaaka go buiwa mo go Baefeso 1:3-11,

*"A go bakwe Modimo le Rra Morena wa rona Jesu Keresete, o o re segofaditseng ka masego otlhe a semowa mo mannong a sele godimo mo go Keresete.,*

*Go ya ka fa o sa le o re itshenkela mo go ene pele ga motheo wa lefatshe, gore re nne boitshepo le botlhoka bogole fa pele ga one mo leratong:*

*Ka O re laoletse gale, gore re bone boemo ja bongwana ka Jesu Keresete, ka fa go rateng ga One,*

*Gore re nne pako ya kgalalelo ya tshegofatso ya One, e O e re neileng fela mo go Ene Moratwa.*

*Re na le thekololo ya rona mo go Ene ka madi a Gagwe, e bong boitshwarelo ja ditlolo tsa rona, ka fa dikhumong tsa tshegofatso ya One;*

*E o e re totiseditseng ka BOTLHALE jotlhe le matsetseleko,*

*O re itsisitse bosaitsiweng ja go rata Gagwe, ka fa go kgatlhegeng Gagwe, mo A go ikaeleletseng,*

*Gore ka go fitlha ga nako ya botlalo ja metlha, gorre a phutlhe dilo tsotlhe mo go*

*Keresete, e bong dilo tse di kwa magodimong, le dilo tse di mo lefatsheng; tota le le tse di mo go Ene;*

*Le rona re neng ra bona boswa mo go ene, ka re go laoletswwe gale ka fa maikaelelong a Gagwe Ene Yo oo dirang dilo tsotlhe ka fa kgakololong ya go rata ga Gagwe"*

Ka jalo fa e le gore Modimo o rulagantse gore go nne le batho ba maina a bone a kwadilweng mo karolong nngwe ya Buka ya Botshelo ya Kwana mme ba ka se phimolwe ka gonne ke maina a monyadiwa wa Gagwe, re tshwanetse go amogela seo. Fa e le gore e bolela gape gore go na le bao maina a bone a neng a kwadilwe mo Bukeng ya Botshelo mme ka kitsetsopele ya Modimo ba ne ba tla wa mme maina a bone a phimolwe, re tshwanetse go amogela seo. Mme fa e le gore go na le batho ba maina a bone A ISENG a ko a kwalwe mo bukeng ya botshelo, re tshwanetse go amogela seo le sone. Mme fa e le gore go na le batho ba ba tla tsenang mo botshelong jo bo sa khutleng morago ga katlholo ya Setulo sa Bogosi se Sesweu fela ka ntlha ya go bo ba le molemo, ba le pelonomi e bile ba le tshiamo mo batlholing ba Modimo ba e leng bakaulengwe ba Gagwe, he re ka se ka ra dira sepe fa e se go amogela seo. GONNE KE MANG YO O ITSENG MOGOPOLO WA MORENA GORE A KA MO LAELA GORE A DIRE ENG? Go na le moo, a re ikobeleng Ene yo e leng Rraarona ka tumelo mme re tshele.

Gore re tlhaloganye kgang e sentle go tla bo go le botlhale gore jaanong re e sekaseke go ya ka fa kereke e neng ya ralala dipaka tsotlhe. Go fitlhelela gompiano re ntse re akanya ka go phimolwa ga maina a batho. Jaanong re batla go sekaseka ditlhopho tse di emetseng mo kerekeng, e seng batho ka bongwe. Go dira jalo re tla tshwantsha kereke jaaka fa e ne e tswetse ka dipaka le semela sa korong. Tlhaka ya korong e jalelwa ka maikaelelo a gore kwa bofelelong tlhaka e le nngwe e kgone gore e ikatise le go ntsifale ka tsela nngwe mo nakong e e rileng. Peo eo e le nngwe e tla swa, mme fa e swa, botshelo jo bo neng bo le mo go yone bo tla tlhatloga go nna semela se ka nako ya sone se tla bong se tshotse kana se tshotse botshelo joo jo bo tla boelang mo popegong ya jone ya tshimologo ka tsela e e ntsifaditsweng. Jesu Losika le legolo lea Segosi o ne a swa. Yo o sa tshwaneng le ope Yo e leng botshelo ja kereke O eme mo gare ga kereke ka dipaka tsotlhe tse supa tsa kereke A neela kereke botshelo ja Gagwe (yo o tshotseng kana motshwari) gore botshelo ja Gagwe bo tle bo tsosiwe gape ka mebele e e tshwanang le ya Gagwe mo tsogong. Ke ka tsogo ya baswi fa Lesika la Segosi le tla bonang masika a mantsi a segosi a tshwana le Ene, mme ba tla tshwana le Ene, jaaka Johane a re, re tla tshwana le Ene." Se ke sone se Johane wa Mokolobetsi a neng a bua ka sone fa a ne a re Jesu o ne a tla phuthela korong mo bobolokelong. Eo e ne e le tsogo eo mo go yone ba ba golotsweng bao ba neng ba tlhophetswe botshelo jo bosakhutleng ba neng ba tsena.

Jaanong he, pego ya semela se sa korong seo maikaelelo a sone sone e leng go tsala peo ya ko tshimologong ya ntlha ka go e ntsifatsa ke BUKA YA BOTSHELO. Ke a ipoeletsa: Ditso kana kgatiso ya semela se sa korong ke Buka ya Botshelo e karolo ya yone e leng KGATISO YA BOTSHELO JO BO SA KHUTLENG. (Karolo ya Buka ya Botshelo). Se se bonala sentle fa re sekaseka semela sa korong. Go jalwa peo e e se nang sepe. Go ise go ye kae go bonala semela. Mme seo ga ise e nne korong. Go tswa foo e gola e nna thito. Se ga e ise e nne korong. Se na le botshelo, mme eseng korong. Go tswa foo kwa bofelong jwa thito go na le motlhala o monnye o o ntshang ditedu. E sa ntse e le semela sa korong mme ga e ise e nne korong. Morago ga moo, semela se a fepiwa mme re bona letlhaka le gola. Se se lebege se tshwana thata le korong mme ga e ise e nne peo. Go tswa foo e bopa korong mo seakong. Jaanong e boetse mo go se e neng e le sone kwa tshimologong. Jaanong korong e e buduleng e a robiwa.

Jesu Keresete o ne a swa. O ne a ntsha botshelo ja Gagwe. Botshelo joo bo ne bo tshwanetse go boela mo kerekeng mme bo tlise bana ba le bantsi ba ba tshwanang le ene mo kgalalelong ka tsogo. Mme fela jaaka peo ya korong e ne e tshwanetse go nna le morwadi wa peo ya korong e e ntsi, go ne go tshwanetse ga nna le kereke e e neng e tla nna morwadi wa botshelo ja ga Keresete. Fela jaaka letlhare, thito, ditedu le sefako e ne e le tsone di rweleng peo mme E SENG peo ka boyone, jalo phuthago ya kereke go ralala dipaka e ne e le yone e rweleng PEO ya boammaaruri mme e (kereke) se Peo ka boyone. Ke gone ka moo re ka reng Buka ya Botshelo ke semela SA KORONG YOTLHE.

A re boelele seo gape. E ke peo ya ko tshimologong e e neng ya jala. E ne ya ntsha letlhare. E ne e se yone. E ne ya dira gore go nne le thito. Gape e seng yone. Fa go tla diako korong e tla bopegang mo go tsone. Seo ga se yone. Go bonala lerapo la yone. GO TSWA FOO E TLA BO E WELA MO DITLHAKENG TSEO. NNGWE YA DIKAROLO TSA SETLHARO SEO E A TSHEDISIWA. SENGWE SA PEO EO YA KO TSHIMOLOGONG E E NENG YA TLHOGA MO DIMELENG TSE DINGWE TSOTLHE E NNA LE PEO. Ke ka ntlha ya eng fa semela se ne sa seka sa fetoga sa nna peo sotlhe? Ka gore e ne ya bopetso go ditlha go ne ko phelelong eo. Karolo e ne e e ntseng jalo ya semela seo e ka kgona go boela e nna peo ka gore ke karolo yone eo ya SEMELA SA KORONG E LENG BOTSHELO JA KORONG JO BO SA KHUTLENG.

O na le sekai se se tshwanang sentle le sa seo sa fa Iseraele e ne e tswa kwa Egepeto. Ba dule kwa Egepeto ba le dimilione di le pedi. Ba ne ba tswa ba le dimilione di le pedi. BOTLJE ba ne ba kolobediwa mo Lewatleng le Lehibidu; BOTLHE ba ne ba tswa mo metsing ba ipelela ponalo ya Mowa o o Boitshepo le ditshpogfatso; BOTLHE ba ne ba ja dijo tsa baengele; BOTLHE ba ne ba nwa mo lefikeng le le neng le ba

setse morago. Kontle ga ba sekae fela ba neng ba se sepe fa e se barwadi ba bana ba ba neng ba tla ba sala morago go ya kwa lefatsheng la Kanana. Iseraele yotlhe GA SE Iseraele. Mme maina a bone otlhe a ne a phimolwa mo Bukeng ya Botshelo kwantle ga ba ba palo potlana fela.

Le rona gompieno re na le tshwanelo e e tshwanang mo kerekeng. Maina a tsile go phimolwa mo Bukeng ya Botshelo. Ga go na maina ape a a tsileng go phimolwang mo Bukeng ya Botshelo Jo bo Sa Khutleng ka gonne eo ke pego e nngwe le mororo e le mo Bukeng ya Botshelo. MME KGATISO EO KE YA GORE MODIMO O RE NEILE BOTSHELO JO BO SA KHUTLENG, MME BOTSHELO JOO BO MO GO MORWA ONE. YO O NANG LE MORWA O NA LE BOTSHELO JO BO SA KHUTLENG; YO O SENANG MORWA GA A NA BOTSHELO. Mme ba ba nang le botshelo joo ba ne ba le mo go ene pele ga motheo wa lefatshe. BA NE BA KGETLHLWE MO GO ENE PELE GA MOTHEO WA LEFATSHE. PEO EO YA BOGOSI E KGOLO, e leng Jesu Keresete, e ne ya jalwa (O ne a swa) mme botshelo joo bo neng bo le mo go Ene bo ne ba tlhatloga ka semela sa korong mme bo a itsala se intsiftsa e nna dipeo tsa korong tse di nang le botshelo jo bo tshwanang mo go tsone, mme di tshwana le tsa Motlhodi ka gonne ka Mowa ke tsa Motlhodi.

Jaanong re kgona go bona gore ke ka ntlha ya eng fa monyadiwa yo o rekolotsweng (yo o rekolotsweng ke mong wa gagwe wa ko tshimologong) (o ne a le mo go Ene jaaka Efa a ne a le mo go Adame) ga ka se ka a phimolwa mo 'maineng a maloko' a gagwe. O karolo ya Gagwe. Omo setilong sa bogosi. Ga a kake a tlhola a atholwa. Mongwe le mongwe yo o mo monyading ke tokololo ya gagwe mme ga a lketla alatlhegela ke ope wa bone. Mme moo ga go ame mo go kalo ka "botlhe" mo Bukeng ya Botshelo. Ka gore mo go bone go na le ba ba tshwanang le Judase le ba bangwe ba ba nang le seabe mo pegong mme maina a bone a phimotswe. Re kgona go lemoga gore ke bomang ba ba tla bong ba le gone mo metlheng ya bofelo, mme fa ba sena go dira ditiro tse di gakgamatsang, Jesu O ne A tla A ba bolelela gore ga Aba itse Ga se gore o ne a sa ba lemoge. Go itse dilo tsotlhe ga Gagwe go thibela seo; mme ba ne ba sa itsetswe pele jaaka monyadiwa; e bile ba ne ba sa itsetswe pele jaaka bangwe ba basiami ba tsogo ya bobedi. Ga ba a ka ba ungwa maungo ape (ka gonne ba ne ba le kwa ntle ga Lefoko\_ga ba aka ba le tshela) ka jalo ba ne ba atholetswe lesa. Mme jaaka re setse re supile gore go na le bao ba neng ba emela monyadiwa mme ba mo thusa le go mo gomotsa. Bao maina a bone a ne a sa ntse a kwadilwe mo Bukeng ya Botshelo mme ba tsena mo botshelong jo bo sa khutleng. Kwa bofelong go na le ba ba tshwanang le Faro bao maina a bone a iseng a ko a kwalwe mo Bukeng ya Botshelo mme le bone ba latlhelwa mo letsheng la molelo

Ka jalo tlhaka ya korong e e neng ya nna semela sa thobo ke pego ya kereke. Mme fela jaaka e seng semela sotlhe sa korong e le peo ya korong, le jaaka e se semela sotlhe se se dirisiwang mo thobong, go ntse jalo le ka kereke:—"kereke yotlhe ga se monyadiwa, e bile ga e newe botshelo jo bo sa khutleng, mme KAROLO ya yone e phuthelwa mo mogopeng, mme KAROLO ya yone e bolokiwa gore e tle e tsene mo botshelong jo bo sa khutleng mo tsogong ya bobedi, mme KAROLO ya yone e e tsewang e le lotlhaka e fisiwa mo bodibeng ja molelo.

Mme se ke sone se Johane wa Mokolobetsi le Jesu ba neng ba se bua, ka gore Johane o ne a re korong e ne e tla phuthiwa mme lotlhaka lo ne lo tla fisiwa. Jesu o ne a re: "Kokoanyang mefero, mme morago lo phuthe korong." Kgato e ya go kopanya batho botlhe e tla bofa dikereke tsa mofero mmogo, ka gonne mofero o tshwanetse go bofiwa PELE, mme le mororo bokhutlo ja one e le go fisiwa, ga e fisiwe fa e bofiwa mme o beelwa nako e e tlang, e leng kwa bokhutlong ja dingwaga tse di sekete, kana tsogo ya bobedi. Mme fa mofero e sena go bofiwa, go ka nna ga diragala gore o tsewe ka nako nngwe fa gare ga nako ya fa o bofiwa le nako ya go senolwa ga moganetsakeresete. Go tswa foo go tla tla letsatsi la fa BOTLHE ba tla bong ba eme mmogo jaaka go supilwe mo go Daniele. Kgosi E tla bo E le teng le monyadiwa wa Yone mme go tla bo go na le boidiidi ja batho ba ba tla atholwang fa pele ga bone. Ee. BOTLHE ba koo. Dibuka tsotlhe di butswa. Go ne ga dirwa tshwetso ya bofelo ya gore go dirwe eng ka BOTLHE. E le ruri thobo e weditswe. Fa dibuka ga di setse di kile tsa bulwa, di a tswalwa.

Fa ke konela kgang e ya nako e, mma ke bue ka se ke se buileng kwa tshimologong ya yone fa ke neng ke re ga go na temana epe e e buileng ka Morena a phutlha kgatiso ya maina MO NAKONG YA GOMPIENO. Ele ruri go ntse jalo. Lefa go ntse jalo go na le Lekwalo le le supang gore go tla nna le go kokoangwa ga yone mo isagweng. E mo go Pesalema ya masome a robedi le bosupa. Pesalema e e bua ka Morena a kwala maina a botlhe ba ba tsaletsweng mo Siona. Ga go ka ke ga akanngwa gore Modimo o tshwanetse go leta go fitlha bokhutlo ja dipaka kana nako eo a dirisanang le Siona gore a tle a itse gore ke bomang botlhe ba ba ka tsalwang mo Siona. Le mo lekgetlong le, seo se tla thibela gore a nne A itse tsotlhe. E le ruri o itse gore ke bomang ba ba mo palong eo. Mme ke eng? A ga se fela mo disekorolong fa mo go one Modimo o tsenyang maina a a neng a setse morago ga tsogo ya bobedi mme a amana le Siona mo pegong e ntsha? Eleruri, ke gone.

*"Mme ke tla bolela leina la gagwe fa pele ga ga Rre le baengele ba Gagwe."*

Maina fa a bidiwa kwa legodimong! "Fa motho a swa, a a ka tshela gape? Ke tla leta malatsi otlhe a tiro Yame ya bonatla, go fitlha kgololo Yame e tla. O ne o tla bitsa, mme ke ne ke tla go araba; o ne o tla tlhologelelwa tiro ya diatla tsa gago". Modisa yo Mogolo o bitsa dinku tsa Gagwe ka maina. Lentswe la

Modimo la popo le ba bitsa go tswa mo loroleng kana le fetola diatomo tsa bone le mororo ba ne ba sa robala. Ke tthatogo. Ke Selalelo se segolo sa Lenyalo sa Kwana le monyadiwa wa Gagwe.

Mme ga se go tseelwa kwa legodimong fela go go bidiwang. Fa go tla bo go tsosiwa batho gape, mo katlholong e kgolo ya Setulo sa Bogosi se Sesweu, maina a bone a tla bolelwa fa pele ga Rara le baengele ba Gagwe. Jaanong ke ne ka bolelelwa ke batho ba ba itseng gore modumo o o monate thata mo tsebeng ya motho ke modumo wa leina la motho yoo.son's name. Kafa batho ba ratang go itsege ka gone. Ba rata go bakwa. Mme ga go na lentswe lepe la mo lefatsheng le le tla utlwanng leina la gago ka tsela e e monate jaaka lentswe la Modimo fa e le gore leina la gago le kwadilwe mo Bukeng ya Botshelo mme le nna koo gore le senolwe fa pele ga baengele ba ba boitshepo. A bo e tla bo e le letsatsi le le molemo jang ne fa re utlwa Jesu a re, 'Rara, ba ne ba ipolela leina la me fa pele ga batho mo malatsing a fa ba ne ba le mo lefatsheng. Jaanong ke tla bolela maina a bone fa pele ga Gago le fa pele ga baengele botlhe ba legodimo."

*"Ya nang le ditsebe a utlwe seo Moya o se bolellang dikereke."*

Gape Moya o ne wa bua. Gape re ile ra sekaseka pego ya se Moya o neng wa se bolelela paka e nngwe. Mme re fitlhetse gore pego e e boammaaruri. Motlha o mongwe o ne wa feta mme o ne wa diragadiwa fela jaaka a ne a buile. Abo seo e le kgomotso jang ne mo go rona bao re solofetseng go nna monyadiwa wa letsatsi la bofelo, ka go bo se dira gore dipelo tsa rona di tlole ka boipelo gore O a ikanyega mme O tla diragatsa tsholofetso nngwe le nngwe ya Gagwe. Fa a ne a ikanyega e bile a ikanyega mo bathong ba paka ya Saredisa, e ntse jalo le mo motlheng wa rona. Fa e le gore ba tla amogelwa le go akgolwa ke ene ka ntlha ya bopelonomi jwa gagwe le maatla a gagwe, le rona re tla amogelwa. Ka jalo, a re tsweleng re ya kwa boitekanelong go ya go kgalhantsha Morena mo moyeng, mme re nne le ene ka bosakhutleng.



[www.messagehub.info](http://www.messagehub.info)

Thero Ka

**William Marrion Branham**

"... Mo Metlheng ya Lentswe la Moengele wa Bosupa ..." Tshenolo  
(10:7)